

元史



本紀卷第三十二 元史三十二

南京國子監祭酒華陰王錫袞

訂補

掛對王期黃令明正平五月司業山陰周鳳翔

文宗一至軍州對命止之

文宗聖明元孝皇帝諱圖帖睦爾武宗之次子明宗之弟也母曰文獻昭聖皇后唐兀氏大德三年武宗總兵北邊帝以八年春正月癸亥生十一年武宗入繼大統至大四年武宗崩傳位于弟仁宗延祐三年丞相鐵木迭兒等議立英宗為皇太子明宗以武宗長子乃出之居于朔漠及英宗即位鐵木迭兒復為

丞相懷私固寵構釁骨肉諸王大臣莫不自危至治
元年五月中政使咬住告脫歡察兒等交通親王於
是出帝居于海南三年六月英宗在上都謂丞相拜
住曰朕兄弟實相友愛曩以小人譖愬俾居遠方當
亟召還明正小人離間之罪未幾鐵失也先鐵木兒
等爲逆而晉王遂立爲皇帝改元泰定召帝于海南
之瓊州還至潭州復命止之居數月乃還京師十月
封懷王賜黃金印二年正月又命出居于建康以殊
祥院使也先捏掌其衛士初晉王旣爲皇帝以內史
倒刺沙爲中書平章政事遂爲丞相狡懷自用災

異數見而帝兄弟播越南北人心思之致和元年春
大駕出畋柳林以疾還宮諸王滿禿阿馬刺台太常
禮儀使哈海宗正扎魯忽赤闊闊出等與僉樞密院
事燕鐵木兒謀曰今主上之疾日臻將往上都如有
不諱吾黨扈從者執諸王大臣殺之居大都者卽縛
大都省臺官宣言太子已至正位宸極傅撈守禦諸
關則大事濟矣三月大駕至上都滿禿闊闊出等扈
從西安王阿剌忒納失里居守燕鐵木兒亦留大都
時也先捏私至上都與倒刺沙等圖弗利於帝乃遣
宗正扎魯忽赤雍古台遷帝居江陵七月庚午泰定

皇帝崩于上都。倒刺沙及梁王王禪、遼王脫脫因結黨害政人皆不。平時燕鐵木兒實掌大都樞密符印。謀於西安王阿剌忒納失里陰結勇士以圖舉義。八月甲午黎明。百官集興聖宮。燕鐵木兒率阿剌鐵木兒、孛倫赤等十七人。兵皆露刃。號於衆曰：武宗皇帝有聖子二人。孝友仁文。天下正統當歸之。今爾一二臣敢紊邦紀。有不順者斬。乃手縛平章政事烏伯都刺伯顏察兒。分命勇士執中書左丞朶朶參知政事。王士熙參議中書省事脫脫、吳秉道侍御史鐵木哥、丘世傑治書侍御史脫歡、太子詹事丞王桓等皆下。

之獄。燕鐵木兒與西安王阿剌忒納失里共守內廷。籍府庫錄符印。召百官入內聽命。即遣前河南行省參知政事明里董阿前、宣政使答里麻失里馳驛迎帝於江陵。密以意諭河南行省平章政事伯顏。令簡兵以備扈從。是日前湖廣行省左丞相別不花為中書左丞相。太子詹事塔失海涯為中書平章政事。前湖廣行省右丞速速為中書左丞。前陝西行省參知政事王不憐吉台為樞密副使。與中書右丞趙世延同僉樞密院事。燕鐵木兒翰林學士承旨亦列赤通政院使寒食分典機務。調兵守禦關要。後諸衛兵屯。

京師下郡縣造兵器出府庫犒軍士燕鐵木兒直宿
禁中。達旦不寐。一夕或再徙。人莫知其處。未以西
安王令給宿衛京城軍士鈔有差。調諸衛六守居庸
關及盧兒嶺丙申遣左衛率使禿魯將兵屯白馬甸
隆鎮衛指揮使幹都蠻將兵屯泰和嶺丁酉發中衛
兵守遷民鎮又遣撒里不花等往迎帝且令塔失帖
木兒矯爲使者自南來言帝已次近郊使民毋驚疑
戊戌徵宣靖王冒奴諸王燕不花于山東己亥徵兵
遼陽明里董阿至亦梁執行省臣皆下之獄又收肅
政廉訪司萬戶府及郡縣印庚子發宗仁衛兵增守

遷民鎮辛丑遣萬戶徹里帖木兒將兵屯河中壬寅
河南行省以郡縣闕人權署官攝其事癸卯燕鐵木
兒之弟撒敦子唐其勢自上都來歸河南行省殺平
章曲烈右丞別鐵木兒是日明里董阿等至江陵甲
辰帝發江陵遣使召鎮南王鐵木兒不花威順王寬
徹不花湖廣行省平章政事高昌王鐵木兒補化來
會執湖廣行省左丞馬合某送京師以別薛代之河
南行省出府庫金千兩銀四千兩鈔七萬一千錠分
給官吏將士又命有司造乘輿供張儀杖等物乙巳
遣隆鎮衛指揮使也速台兒將兵守碑樓口河南行

省殺其叅政脫孛臺召陝西行臺侍御史馬扎兒台
及行省平章政事探馬赤不至丙午諸王按渾察至
京師遣前西臺御史刺馬黑巴等諭陝西丁未撒敦
守居庸關虜其勢屯古北口命河南行省造銀符以
給軍士有功者戊申燕鐵木兒又令乃馬台矯爲使
者此來言周王整兵南行聞者皆悅帝命河南行省
平章政事伯顏爲本省左丞相河南行省遣前萬戶
孛羅等將兵守潼關己酉諸王滿秃阿馬刺台宗正
扎魯忽赤闕闕出前河南行平章政事實閭集賢侍
讀學士兀魯思不花太常禮儀院使哈海赤等十八

人同謀援大都事覺倒刺沙殺之庚戌帝至汴梁伯
顏等扈從北行以前翰林學士承旨阿不海牙爲河
南行省平章政事發平灤民塹遷民鎮以禦遼東軍
辛亥以燕鐵木兒知樞密院事亦烈赤爲御史中丞
壬子阿速衛指揮使脫脫木兒帥其軍自上都來歸
卽命守古北口癸丑鑄樞密分院印是日上都諸王
及用事臣以兵分道犯京畿留遼王脫脫諸王孛羅
帖木兒太師朶帶左丞相倒刺沙知樞密院事鐵木
兒脫居守甲寅刺馬黑巴等至陝西皆見殺乙卯脫
脫木兒及上都諸王失刺平章政事乃馬台詹事欽

元史本紀卷三十五
五
察戰于宜興斬欽察于陣禽乃馬台送京師戮之失
刺敗走丙辰燕鐵木兒奉法駕郊迎丁巳帝至京師
入居大內貴赤衛指揮使脫迭出自上都率其軍來
歸命守古北口戊午以速速爲中書平章政事前御
史中丞曹立爲中書右丞江浙行省參知政事張友
諒爲中書參知政事河南行省左丞相伯顏爲御史
大夫中書右丞趙世延爲御史中丞己未以河南萬
戶也速台兒同知樞密院事罷回回掌教哈的所上
都梁王王禪右丞相塔失鐵木兒太尉不花平章政
事賈閻御史大夫紐澤等兵次榆林陞宜興縣爲州

隆鎮衛指揮使黑漢謀附上都坐棄市籍其家九月
庚申朔燕鐵木兒督師居庸關遣撒敦以兵襲上都
兵於榆林擊敗之追至懷來而還隆鎮衛指揮使幹
都蠻以兵襲上都諸王滅里鐵木兒脫木赤於陀羅
臺執之歸於京師遣使卽軍中賜脫脫木兒等銀各
千兩以分給軍士有功者賜京師耆老七十人幣帛
命有司插馬中書左丞相別不花言回回人哈哈的
自至治間貸官鈔違制別往番邦得寶貨無算法當
沒官而倒刺沙私其種人不許今請籍其家從之燕
鐵木兒請釋馬合某從之陝西兵入河中府刦行用

庫鈔萬八千錠殺同知府事不倫禿壬戌遣使祭五嶽四瀆命速速宣諭中外日昔在世祖以及列聖臨御咸命中書省綱維百司總裁庶政凡錢穀銓選刑罰興造罔不司之自今除樞密院御史臺其餘諸司及左右近侍敢有隔越中書奏請政務者以違制論監察御史其糾言之以高昌王鐵木兒補化知樞密院事也先捏爲宣徽使給居庸關軍士糗糧賜鎮南王鐵木兒不花等鈔有差徵五衛屯田兵赴京師安南國來貢方物賜上都將士來歸者鈔各有差樞密院臣言河南行省軍列戍淮西距潼關河中不遠湖

廣行省軍唯平陽保定兩高戶號稱精銳請發蘄黃戍軍一萬人及兩萬戶軍爲三萬命湖廣叅政鄭昂霄萬戶脫脫木兒將之並黃河爲營以便徵遣從之召燕鐵木兒赴闕上都諸王也先帖木兒平章禿滿迭兒自遼東以兵入遷民鎮諸王八剌馬也先帖木兒以所部兵入管州殺掠吏民丙寅命造兵器江浙江西湖廣三省六萬事內郡四萬事丁卯燕鐵木兒率諸王大臣伏闕請早正大位以安天下帝固辭曰大兄在朔方朕敢紊天序乎燕鐵木兒曰人心向背之機間不容髮一或失之噬臍無及帝曰必不得已

必明著朕意以示天下而後可。賜西安王阿剌忒納失里鎮南王帖木兒不花威順王寬徹不花宣靖王買奴等金各五十兩銀各五百兩幣各三十四遣撒敦拒遼東兵于薊州東流沙河元帥阿兀刺守居庸關上都軍攻碑樓口指揮使也速臺兒禦之不克戊辰大司農明里董阿大都留守闊闊台並爲中書平章政事募勇士從軍遣使分行河間保定真定及河南等路括民馬徵鄆陵縣河西軍赴關命襄陽萬戶楊克忠鄧州萬戶孫節以兵守武關命海道萬戶府來年運米三百一十萬石造金符八十已鑄御寶

成立行樞密院于汴梁以同知樞密院事也速台兒知行樞密院事將兵行視太行諸關西擊河中潼關軍以摺疊弩分給守關軍士上都諸王忽刺台等引兵犯崞州庚午命有司和市粟豆十六萬五千石分給居庸等關軍馬遣軍民守歸峽諸隘辛未常服謁太廟雲南孟定路土官來貢方物烏伯都刺鐵木哥棄市朶朶王士熙伯顏察兒脫歡等各流于遠州並籍其家同知樞密院事脫脫木兒與遼東禿滿迭兒戰于薊州兩家店壬申帝卽位於大明殿受諸王百官朝賀大赦詔曰洪惟我太祖皇帝混一海宇爰立

定制以一統緒宗親各受分地勿敢安生覬覦此不易之成規萬世所共守者也。世祖之後成宗武宗仁宗英宗以公天下之心以次相傳宗王貴戚咸遵祖訓至於晉邸具有盟書願守藩服而與賊臣鐵失也先帖木兒等潛通陰謀冒干寶位使英宗不幸羅於大故朕兄弟播越南北備歷艱險臨御之事豈獲與聞朕以叔父之故順承惟謹于今六年災異迭見權臣倒刺沙烏伯都刺等專權自用踈遠勳舊廢棄忠良變亂祖宗法度空府庫以私其黨類大行上賓利於立幼顯握國柄用成其奸宗王大臣以宗社之重

統緒之正協謀推戴屬於耿躬朕以非德宜俟大兄固讓再三宗戚將相百僚耆老以爲神器不可以久虛天下不可以無主周王遼隔朔漠民庶遑遑已及三月誠懇迫切朕故從其請謹俟大兄之至以遂朕固讓之心已於致和元年九月十三日卽皇帝位於大明殿其以致和元年爲天曆元年可大赦天下自九月十三日昧爽已前除謀殺祖父母父母妻妾殺夫奴婢殺主謀故殺人但犯強盜印造僞鈔不赦外其餘罪無輕重咸赦除之於戲朕豈有意於天下哉重念祖宗開創之艱恐墮大業是以勉徇輿情尚賴

爾中外文武臣僚協心相予。輯寧億兆。以成治功。咨爾多方。體予至意。癸酉翰林院增給驛璽書。命燕鐵木兒將兵擊遼東軍。封燕鐵木兒爲太平王。以太平路爲食邑。賜金五百兩。銀二千五百兩。鈔萬錠。平江官地五百頃。中書右丞曹立爲江浙行省平章政事。福建廉訪使易釋董阿爲右丞。前中書左丞張思明爲左丞。諸玉塔木只兒哈郎佛寶等自恩州來朝。賜按灰鈔百錠。以祀天神。括河東馬甲戌燕鐵木兒加開府儀同三司。上柱國。錄軍國重事。中書右丞相監修國史。依前知樞密院事。伯顏加太尉。以江南行臺

御史大夫朶兒只爲江浙行省左丞相。淮西道肅政廉訪使阿兒思蘭海牙爲江南行臺御史大夫。諸王孛羅忽都火者來朝。徵左右兩阿速衛軍老幼赴京。師不行者。斬籍其家。乙丑立太禧院。以奉祖宗神御殿祠祭。秩正二品。罷會福殊祥兩院。江西行省平章政事禿堅帖木兒。江浙行省右丞易釋董阿並爲太禧院使。中書平章速速。御史中丞亦列赤。兼太禧院使。上都王禪兵襲破居庸關。將士皆潰。燕鐵木兒軍次倫次三河。丙子王禪游兵至大口。燕鐵木兒還軍。次倫河。帝出齊化門視師。丁丑燕鐵木兒來見。曰乘輿一

出民心必驚軍旅之事臣請以身任之即日還宮命
司天監崇星戊寅論中外曰近以姦臣倒刺沙烏伯
都刺潛通陰謀變易祖宗成憲既已明正其罪凡回
回種人不預其事者其安業勿懼有因而扇惑其人
者罪之又勅軍中逃歸及京城游民敢攘民財者斬
命高昌僧作佛事於延春閣又命也里可溫於顯懿
莊聖皇后神御殿作佛事諸王阿兒八忽按灰脫脫
來朝命留守司完京城軍士乘城守禦燕鐵木兒與
王禪前軍戰于榆河敗之追奔紅橋北其樞密副使
阿剌帖木兒指揮使忽都帖木兒以兵會王禪復來

戰又敗之我師據紅橋增給大都驛馬百匹庚辰太
白犯亢宿詔諭御史臺今後監察御史廉訪司凡有
刺舉並著其實無則勿妄以言廉訪司書吏當以職
官教授吏負鄉貢進士叅用加封漢將軍關羽為顯
靈義勇武安英濟王遣使祠其廟辛巳命司天監崇
星以別不花知樞密院事依前中書左丞相括山東
馬燕鐵木兒與上都軍大戰白浮之野燕鐵木兒手
刃七人于陣敗之脫脫木兒與遼東軍戰薊州之檀
子山壬午大霧王禪等遁崑山州獲上都頒詔使者
及遼東徵兵使者以聞詔誅之癸未以同知樞密院

事禿兒哈帖木兒知樞密院事。中書平章政事明里董阿爲江浙行省平章政事。王禪收集散亡復來戰。我師列陣白浮之西。敵不敢犯。至夜撒敦脫脫木兒前後夾攻。敗走之。追及于昌平北。斬首數千級。降者萬餘人。帝遣使賜燕鐵木兒上尊諭。旨曰：丞相每臨陣躬冒矢石，脫有不虞，柰何！自今第以大將旗鼓督戰可也。燕鐵木兒對曰：允戰，臣必以身先之。敵後者論以軍法，若委之諸將，萬一失利，悔將何及！甲申，慶雲見王禪單騎亡，撒敦追之不及而還。命御史臺凡各道廉訪司官用蒙古二人，畏兀河西回回漢人各

一人，各司書吏十六人，用職官五，各路司吏五，教授二，鄉貢進士四人。本臺經歷品秩相當者，除各道廉訪使都事除副使本臺譯史通事考滿不得除御史靖安王闊不花等將陝西兵潛由潼關南水門入萬戶亭羅棄關走闊不花等，分據陝州等縣，縱兵四劫。乙酉，以明里董阿爲中書平章政事，嶺北行省左丞燕不鄰知樞密院事，募丁壯千人守捍城郭。上都兵入古北口，將士皆潰。其知樞密院事竹溫台以兵掠石槽，追封乳母完者雲國夫人，其夫幹羅思贈太保。封雲國公，謚忠懿。子鎖乃贈司徒，封雲國公，謚貞閔。

燕鐵木兒遣撒敦倍道趨石槽掩其不備擊之燕鐵木兒火兵繼至轉戰四十餘里至牛頭山擒駙馬孛羅帖木兒平章蒙古塔失帖木兒將作院使撒兒討溫送闕下戮之將校降者萬人餘兵奔竄夜遣撒敦出古北口逐之脫脫木兒與遼東軍戰薊州南殺獲無筭調河南蒙古軍老幼五萬人增守京師募丁壯守直沽調臨清萬戶府運糧軍三千五百並御河分守山東丁壯萬人守禦益都般陽諸處海港居庸關壘石以爲固丁亥遼東軍抵京城燕鐵木兒引兵拒之令京城里長召募丁壯及百工合萬人與兵士爲

伍乘城守禦月給鈔三錠米三斗冀寧晉寧兩路所轄代州之鴈門關崞州之陽武關嵐州之天澗口皮庫口保德州之寨底天橋白羊三關石州之塢堡口汾州之向陽關隰州之烏門關吉州之馬頭秦王嶺二關靈石縣之陰地關皆令穿塹壘石以爲固調丁壯守之戊子上都諸王忽刺台等兵入紫荆關將士皆潰行樞密院官上顏幹都蠻指揮使也速臺兒將兵援之陝西行臺御史大夫也先帖木兒引兵從大慶關渡河擒河中府官殺之萬戶徹里帖木兒軍潰而遁河南廉訪副使萬家問言徹里帖木兒身爲大

將紀律不嚴望風奔潰宜加重罰以示勸懲不報河東聞也先帖木兒軍至官吏皆棄城走也先帖木兒悉以其黨代之召雲南行省左丞相也先吉尼不至前尚書左丞相三寶奴以罪誅其二子上都哈刺八都兒近侍命以所籍家貲及制命還之冬十月己丑朔命西僧作佛事燕鐵木兒引兵至通州擊遼東軍敗之皆渡潞水走遣脫脫木兒等將兵四千西援紫荆關調江浙兵萬人西禦潼關紫荊關潰卒南走保定因肆剽掠同知路事阿里沙及故平章張瑄子武昌萬戶景武等率民持挺擊死數百人河南行省調

兵守虎牢關庚寅我師與遼東軍夾潞水而陣遼東軍宵遁我師渡而襲之辛卯禮官言卽位之始當告祭郊廟社稷時享之禮請改用仲月從之紫荊關兵進逼涿州同知州事教化的調丁壯禦之壬辰也先捏以軍至保定殺阿里沙等及張景武兄弟五人并取其家貲倒刺沙貸其姻家長蘆鹽運司判官亦刺馬丹鈔四萬錠買鹽營利於京師詔追理之癸巳立壽福會福隆禧崇祥四總管府分奉祖宗神御殿秩正三品並隸太禧院忽刺台游兵進逼南城令京城居民戶出壯丁一人持兵仗從軍士乘城仍於諸門

列甕貯水以防火燕鐵木兒及陽翟王太平國王朶
羅台等戰于檀子山之棗林唐其勢陷陣殺太平死
者蔽野餘皆宵遁遣撒敦追之弗及甲午命有司市
馬千匹賜軍士出征者脫脫木兒章吉與也先捏合
擊敵軍於良鄉南轉戰至瀘溝橋忽刺台被創據橋
而宿乙未燕鐵木兒率軍循北山而西趣良鄉諸將
時與忽刺台阿刺帖木兒等戰于瀘溝橋聲言燕鐵
木兒大軍至敵兵皆遁使者頒詔于甘肅至陝西行
省行臺官塗毀詔書械使者送上都湘寧王八刺失
里引兵入冀寧殺掠吏民時太行諸關守備皆闕冀

寧路來告急救萬戶和尚將兵由故關援之冀寧路
官募民丁迎敵和尚以兵爲殿殺獲甚衆會上都兵
大至和尚退保故關冀寧遂破丙申燕帖木兒入朝
賜宴興聖殿賑通州被兵之家命速速等董度支芻
粟中書省臣言上都諸王大臣不思祖宗成憲惑於
姦臣倒刺沙之言輒以兵犯京畿賴陛下洪福王禪
遂致潰亾生擒諸王孛羅帖木兒及諸用事臣蒙古
答失雅失帖木兒等旣已明正典刑宜傳首四方以
示衆從之丁酉以縉山縣民十人嘗爲王禪向導誅
其爲首者四人餘杖一百七籍其家貲妻子分賜守

關軍士戊戌命湖廣行省平章政事乞住調兵守歸
峽左丞別薛分八番以禦四川軍諸將追阿剌帖木
兒等至紫荆關獲之送京師皆棄市己亥幸大聖壽
萬安寺謁世祖裕宗神御殿賜燕帖木兒太平王黃
金印并降制書及賜玉盤龍衣珠衣寶珠金腰帶海
東白鶻青鶻各一河南行中書省行樞密院皆聽便
宜行事秃滿迭兒軍復入古北口燕鐵木兒引軍禦
之大戰於檀州南敗之其萬戶以兵萬人降秃滿迭
兒遂走還遼東使者頒詔於陝西行省行臺官焚詔
書下使者獄告於上都庚子以梁王王禪弟賜諸王

鐵木不不花廷臣言保定萬戶張昌其諸父景武等
既受誅宜罷其所將兵而奪其金虎符不許辛丑以
同知樞密院事脫脫木兒通政使也不倫並知樞密
院事御史中丞亦列赤爲御史大夫還給伯顏察兒
朶朶家貲齊王月魯帖木兒東魯蒙古元帥不花帖
木兒等以兵圍上都倒刺沙等奉皇帝寶出降梁王
王禪遁遼王脫脫爲齊王月魯帖木兒所殺遂收上
都諸王符印壬寅以宣徽使也先捏知行樞密院事
宣徽副使章吉爲行樞密院副使與知樞密院事也
速台兒等將兵西擊潼關軍中書省臣言野理牙舊

以賊罪除名近復命爲太醫使臣等不敢奉詔帝曰
往者勿咎比兵興之時朕已錄用其依朕命行之以
張珪女歸也先捏癸卯以故徽政使失烈門妻賜燕
鐵木兒以通州知州趙義能禦敵賜幣二疋也先鐵
木兒軍至晉寧本路官皆遁甲辰晉邸及遼王所轄
路府州縣達魯花赤並罷免禁錮選流宮代之給淮
東宣慰司圓字銀符命有司收將士所遺符印兵仗
賑糶京城米十萬石石爲鈔十五貫丙午中書省臣
言凡有罪者旣籍其家貲又沒其妻子非古者罪人
不孥之意今後請勿沒人妻子制可丁未告祭於南

郊以中書平章政事塔失海涯爲大司農復以欽察
台爲中書平章政事侍御史珺璐不花爲中丞以度
支勢巨經用不足凡諸王駙馬來朝並節其給宿衛
官已有廩祿者及內侍宮人歲給芻豆皆權止之糴
豆二十萬石於瀕御河州縣以河間山東鹽課鈔給
其直放還防河運糧軍陝西兵至鞏縣黑石渡遂據
虎牢我師皆潰諸仗悉爲所獲河南行省來告急戒
有司脩城壁嚴守衛雲南銀羅甸土官哀蒼等來貢
方物已酉別不花加太保落知樞密院事命刑部郎
中大都前廣東僉事張世榮追理烏伯都刺家貲開

居庸關陝西軍奪武關萬戶楊克忠等兵潰庚戌帝
御製聖製齊王月魯帖木兒諸王別思帖木兒阿兒
哈失里那海罕及由路蒙古元帥不花帖木兒等奉
上皇帝寶劄刺沙等從至京師下之獄分遣使者檄
行省內郡罷兵以安百姓以宦者伯帖木兒妻及奴
婢田宅賜撤敦辛亥雲南徹里路土官刁濠等來貢
方物詔自今朝廷政務及籍沒田宅賜人者非與燕
鐵木兒議諸人不許奏陳以宦者米薛迷奴婢家賞
賜伯顏壬子以河南江西湖廣入貢駕鵝太頻令
貢數以省驛傳以諸王火沙第賜燕鐵木兒繼母

主察吉兒癸丑燕鐵木兒辭知樞密院事命其叔父
東路蒙古元帥不花帖木兒代之燕鐵木兒請以蒙
古塔失等二十人田宅賜徹里鐵木兒等三十人從
之以所括河北諸路馬四百匹給四宿衛阿塔赤二
百匹給中宮阿塔赤餘二千匹分牧於內郡覈上都
倉庫錢穀御史臺臣言近北兵奪紫荊關官軍潰走
掠得定之民本路官與故平章張珪子景武五人率
其民擊官軍死也先捏不侯奏聞輒擅殺官吏及珪
子子珪父祖二世為國勲臣設使珪子有罪珪之妻
女又何罪焉今既籍其家又以其女妻也先捏誠非國

家待遇數臣之意臺中曰卿等言是命中書章正之命
御史臺擇人充各道廉訪司官遣官賑良鄉涿州定
興保定驛戶之被六者甲寅罷徽政院改立儲慶使
司秩正二品平章以事速速明里董阿並領儲慶使
事鷹坊伯撒里河古用行省左丞姚煒並為儲慶使元
帥也速答兒執相志于王八刺失里送京師八刺失里
及趙王馬扎罕諸王忽刺台承上都之命各起所部
兵南侵冀寧邊次馬邑至是被執其所俘男女千人
悉還其家遣使止江浙軍士之往潼關者就還鎮也
先歲木兒兵至潞州乙卯以倒刺沙宅賜不花帖木

兒倒刺沙子溪皮宅賜幹都蠻內侍王伯顏宅賜唐
其勢丙辰燕鐵木兒請以所沒逆臣赤斤鐵木兒家
貲還其妻鐵木哥兵入鄧州丁巳毀顯宗室升順宗
祔右穆第二室成宗祔右穆第三室武宗祔左昭第
三室仁宗祔左昭第四室英宗祔右穆第四室加命
燕鐵木兒為答刺罕仍命子孫世襲其號燕鐵木兒
請以河南平章曲列等二十三人田宅賜西安王阿
刺忒納失里等二十三人從之戊午詔諭廷臣曰凡
今臣僚唯丞相燕鐵木兒大夫伯顏許兼三職署事
餘者並從簡省百司事當奏者共議以聞或私任已

意者不許獨請上都官吏自八月二十一日以後擢用者並追收其制敕天下僧道有妻者皆令爲民也先捏軍次順德令廣平大名兩路括馬盜殺太尉不花初不花乘國家多事率衆剽掠居庸以北皆爲所擾至是盜入其家殺之興和路當盜以死罪刑部議以爲不花不道衆所聞知幸遇盜殺而本路隱其殘剽之罪獨以盜聞於法不當中書以聞帝嘉其議十一月己未詔論中外曰諸王王禪及禿滿迭兒阿刺不花禿堅等兵敗而逃有能擒獲者授五品官同黨之人若能去逆効順擒王禪等來歸者免本罪依上

授官家奴獲之者得備宿衛敢有隱匿者事覺與犯人同罪給殿中侍御史及冀寧路印凡內外百司印因兵興而失者令中書如品秩鑄給之合太保伯荅沙陞太傅兼宗正札魯忽赤總兵北邊中書省臣言侍御史左吉非才不當任風憲御史臺臣伯顏等言左吉御史所薦若旣用之又以人言而止臺綱不能振矣必如省臣所言臣等乞辭避帝曰汝等其勿爲是言左吉果不可用省臣何不先言之其令左吉仍爲侍御史帝謂中書省臣曰朕在瓊州建康時撒迪皆從備極艱苦其賜鹽引六萬俾規利以贍其家命

郡縣招集被兵流亾之民貧者賑給之遼東降軍給
行糧遣還京畿及四方民爲兵所掠而奴于人者令
有司追理送還山北京東驛被兵者賑以鈔二萬一
千五百錠放高麗官者來薛迷剛荅里歸田里庚申
中書錄用前御史臺臣亦憐真蔡文淵用江南行臺
御史王琚仁言汰近歲白身入官者敕行御史臺凡
有糾劾必由御史臺陳奏勿徑以封事聞命中書省
追理倒刺沙及其兄馬某沙子溪皮木八刺沙等家
貲辛酉燕鐵木兒請以紐澤田宅賜欽察台也先捏
兵至武安也先鐵木兒以軍降河東州縣聞之盡殺

其所署官吏癸亥帝宿齋官甲子服袞冕享于太廟
陝西兵進逼汴梁聞朝廷傳檄罷兵乃解去乙丑燕
鐵木兒請以烏伯都刺等三十人田宅賜幹魯思等
三十人從之丁卯伯顏兼忠翊侍衛都指揮使庚午
復立察罕腦兒宣慰司命總宿衛官分簡所募勇士
非舊嘗宿衛者皆罷去汴梁河南等路及南陽府潁
歲蝗旱禁其境內釀酒日本舶商至福建博易者江
浙行省選廉吏征其稅中書省臣言今歲旣罷印鈔
本來歲擬印至元鈔一百一十九萬二千錠中統鈔
四萬錠監察御史言戶部鈔法歲會其數易故以新

期於流通不出其數邇者倒刺沙以上都經費不足
命有司刻板印鈔令事既定宜急收毀從之監察御
史撒里不花鎖南八于欽張士弘言朝廷政務賞罰
爲先功罪旣明天下斯定國家近年自鐵木迭兒竊
位擅權假刑賞以遂其私綱妃始紊迨至泰定爵賞
益濫比以兵興用人甚急然而賞罰不可不嚴大功
之高下過之重輕皆係天下之公論願命有司務合
公議明示黜陟功罪旣明賞罰攸常則朝廷肅清紀
綱振舉而天下治矣帝嘉納之辛未遣西僧作佛事
於興和新內鐵木哥兵入襄陽本路官皆遁襄陽縣

尹谷庭珪主簿張德獨不去西軍執使降不屈歿之
時僉樞密院事塔海擁兵南陽不救壬申遣官告祭
社稷以故平章黑驢平江田三百頃及嘉興蘆地賜
西安王阿剌忒納失里癸酉八百媳婦國使者昭哀
雲南威楚路土官脫放等九十九寨土官必也姑等
各以方物來貢燕鐵木兒言向者上都舉兵諸王失
刺樞密同知阿乞刺等十人南望宮闕鼓譟其黨拒
命逆戰情不可恕詔各杖一百七流遠籍其家貲甲
戍居泰定后雍吉刺氏于東安州抗州火命江浙行
省賑被災之家乙亥賜西安王阿剌忒納失里齊王

月魯帖木兒知樞密院事不花帖木兒金各五百兩
銀各二千五百兩鈔各萬錠諸王朶列帖木兒金五
十兩銀五百兩鈔千錠從者及軍士有差丙子速速
坐受賂杖一百七徙襄陽以母年老詔留之京師丁
壬以躬祀太廟禮成御大明殿受諸王文武百官朝
賀荆王也速也不干遣使傳檄至襄陽鐵木哥引兵
走戍寅以御史中丞玘瑤不花爲太禧使監察御史
撒里不花等言玘瑤不花素稟直氣操履端正陛下
欲振憲綱非任斯人不可乃復以玘瑤不花爲中丞
兼太禧使作佛事于五臺寺命河南江浙兩省以兵

五萬益湖廣已卯中書省臣言內外流官年及致仕
者並依階敘授以制敕今後不須奏聞制可以也先
鐵木兒烏伯都刺珠衣賜撒迪趙世安諸衛漢軍及
州縣丁壯所給甲冑兵杖皆令還官庚辰遣使奉迎
皇兄明宗皇帝於漠北以中政院使敬儼爲中書平
章政事同知樞密院事徹里帖木兒爲中書左丞辛
巳遣欽察百戶及其軍士還鎮以脫脫等三人妻賜
潤潤出等三人以朶台等十一人田宅賜駙馬朶必
兒等十一人壬午第三皇子寶寧易名太平訥命大
司農買住保養於其家詔行樞密院罷兵還以御史

中丞玘璐不花爲中書右丞癸未倒刺沙伏誅磔其尸於市王禪亦賜死馬某沙鈕澤撒的迷失也先鐵木兒等皆棄市以所賜速速也先捏宅改賜駙馬謹只兒及乳媪也孫真甲申命威順王寬撒不花還鎮湖廣御史中丞趙世延以老疾辭職不許用故中丞崔或故事加平章政事居前職御史臺臣言行宣政院行都水監宜罷從之丙戌作水陸會以阿魯灰帖木兒等六人在上都欲舉義不克而死並賜贈謚卹其家燕鐵木兒言晉王及遼王等所轄府縣達魯花赤既已黜罷其所舉宗正府扎魯忽赤中書斷事官

皆其私人亦宜革去從之敕趙世延及翰林直學士虞集製御史臺碑文遣諸衛兵各還鎮別不花罷命有司追理上都官吏預借俸遼王脫脫之子八都聚黨出剽掠敕宣德府官捕之四川行省平章囊加台自稱鎮西王以其省左丞脫脫爲平章前雲南廉訪使楊靜爲左丞殺其省平章寬撒等官稱兵燒絕棧道烏蒙路教授杜巖肖謂聖明繼續方內大寧省臣當罷兵入朝庶免一方之害囊加台以其妄言惑衆杖一百七禁錮之十二月己丑朔監察御史言伯顏宜與燕鐵木兒一體論功行賞帝曰伯顏之功朕心

知之御史不必言庚寅令內外諸司天壽節聽具肉食民間禁屠宰如舊制命通政院整飭蒙古驛諸關隘嘗毀民屋以塞者賜民鈔俾完之甲午以王禪奴婢賜鎮南王鐵木耳不花及燕鐵木耳乙未以王禪弓矢賜燕鐵木耳伯顏燕鐵木耳請以馬某沙等九人田宅賜燕不隣等九人從之丙午幸大崇恩福元寺謁武宗神御殿分命諸僧於大明殿延春閣興聖宮隆福宮萬歲山作佛事雲南土官普雙等來貢方物御史臺臣言也先捏將兵所至擅殺官吏俘掠子女貨財詔刑部鞠之籍其家杖一百七竄于南寧命

其妻歸父母家己亥造皇后玉冊玉寶庚子赦天下賜諸王蒲禿爲果王阿馬刺台爲毅王宗正扎魯忽赤闊闊出等十七人並賜功臣號及階官爵謚仍命有司刻其功于碑賜鈔卹其家中書省臣言陝西行省行臺官焚棄詔書坐罪當流雖經赦宥永不錄用爲宜制可辛丑立龍翊待衛親軍都指揮使司分掌欽察軍士秩正三品指揮使三人命燕鐵木耳兒及卜蘭奚卯罕爲之餘宮心聽燕鐵木耳兒選人以聞命高昌僧作佛事於寶慈殿江南行臺御史言遼王脫脫自其祖父以來屢爲逆蓋因所封地大物衆宜

削王號處其子孫遠方而析其元封分地詔中書與
勳舊大臣議其事火兒忽荅等十三人從湘寧王八
刺失里用兵旣伏誅命皆籍其家貲西僧百人作佛
事於徽猷閣 日癸卯欽察阿速二部依宿衛軍士
例給芻豆乙巳伯顏加大尉開府儀同三司與亦列
赤並爲御史大夫同振臺綱詔天下立內宰司隸儲
慶使司秩正三品以阿伯等六人四宅賜諸王老的
等六人雲南姚州知州高明來貢方物戊申以潛邸
所用工匠百五十人付皇子阿刺忒納荅刺立異樣
局以司之秩從六品加伯顏爲太保知樞密院事不

花帖木兒爲太尉香由爲司徒己酉開上都酒禁壬
子以諸路民匠提領所合爲提舉司秩從五品甲寅
復遣治書侍御史撒迪內侍不顏禿古思奉迎皇兄
於漠北西安王阿刺忒納失里及燕鐵木兒鐵木兒
補化請各遣人送名鷹於行在所以王禪妻金珠首
飾歸中宮丙辰陞太禧院從一品中書左丞玘璐不
花爲太禧使丁巳封西安王阿刺忒納失里爲豫王
賜南康路爲食邑徹里鐵木兒陞右丞叅知政事躍
里鐵木兒爲左丞叅議省事趙世安爲叅知政事戊
午詔被兵郡縣免雜役禁釀酒弛山場河灤之禁私

相假貸者俟秋成責償蒙古色目人願丁父母憂者聽如舊制御史臺言囊加台拒命西南罪不可宥所授制敕宜從追奪中書省臣言令方許囊加台等自新則御史言宜勿行從之教坊司達魯花赤撒刺兒在武宗時遙授叅知政事階中奉大夫詔落遙授之職而仍其舊階是月省遣使者召雲南行省左丞相也兒吉你又不至加謚唐司徒顏真卿正烈文忠公令有司歲時致祭陝西自泰定二年。至是歲不雨大饑民相食。杭州嘉興平江湖州鎮江建德池州太平廣德等路水沒民田萬四千餘頃河北山東有年。

本紀卷第三十三

元史三十三

南。京。國。子。監。

祭。酒。黃。儒。炳。

補刊

業葉

燦

文宗二

天曆二年春正月己未朔立都督府以總左右欽察及龍翊衛庚申封知樞密院事火沙為昭武王床兀兒之子答隣答里襲父封為句容郡王高麗國遣使來朝賀遣前翰林學士承旨不答失里比還皇兄行在所仍命太府太監沙刺班奉金幣以往辛酉封朶列帖木兒復為楚王高昌王鐵木兒補化為中書左

天啟三年刊

元史本紀卷三十三

一

丞相大司農王毅為平章政事欽察台知樞密院事
皇兄遣火里忽達孫刺刺至京師以伯帖木兒扈從
有功遣使以幣帛百疋卽行在賜之諸王渾都帖木
兒薨取其印及王傳印以賜幹卽武寧王徹徹禿遣
使來言皇兄啟行之期癸亥燕鐵木兒為御史大夫
太平王如故賜魯國大長公主鈔二萬錠營第宅甲
子太白犯壘壁陣時享于太廟齊王月魯帖木兒薨
乙丑中書省言度支今歲芻橐不足常例支給外凡
陳乞者宜勿予從之仍命中書右丞徹里帖木兒總
其事丙寅帝幸大崇恩福元寺遣使賜西域諸王燕

只吉台海東鶻二戊辰遣使獻海東鶻于皇兄行在
所已巴賜內外軍士四萬二千二百七十人鈔各一
錠作佛事陝西告饑賑以鈔五萬錠辛未以冊命皇
后告于南郊賜豫王黃金印回回人戶與民均當差
役中書省臣言近籍沒欽察家其子年十六請令與
其母同居仍請繼今臣僚有罪致籍沒者其妻有子
他人不得陳乞亦不得沒為官口從之壬申遣近侍
星吉班以詔往四川招諭囊加台癸酉命中書省宣
徽院臣稽考近侍宿衛廩給定其名籍以遼陽省蒙
古高麗肇州三萬戶將校從逆舉兵犯京畿拘其符

印制敕罷今歲柳林田狩復鹽制每四百斤爲引引
爲鈔三錠四川夔加台乞師于鎮西武靖王搠思班
搠思班以兵守關隘甲戌復命大僕卿教化獻海東
鶻于皇兄行在所罷中瑞司丙子皇后勝臣張住童
等七人授集賢侍講學士等官丁丑四川夔加台攻
破播州猫兒壩隘宣慰使楊延里不花開關納之陝
西蒙古軍都元帥不花台者夔加台之弟夔加台遣使招
之不花台不從斬其使中書省臣言朝廷賞賚不宜
濫及罔功鷹鶻獅豹之食舊支肉價二百餘錠今增
至萬二千八百錠控鶴舊止六百二十八戶今增二千

四百戶文佛事歲費以今較舊增多金千一百五十
兩銀六千二百兩鈔五萬六千二百錠幣帛三萬四
千餘匹請悉揀汰從之中正院臣言皇后日用所需
鈔十萬錠幣五萬匹綿五千斤詔鈔予所需之半幣
給一萬匹賑大都路涿州房山范陽等縣饑民糧兩
月己卯以冊命皇后告于太廟庚辰賜潛邸說書劉
道衡等四人官從七品薛允等十六人官從八品辛
巳起復中書左丞史惟良爲御史中丞上都官吏惟
初入任及驟陞者黜之餘聽叙復以御史臺贓罰鈔
三百錠賜教坊司撒刺兒壬午以陝西行臺御史大

夫阿不海牙為中書平章政事皇凡遣常侍孛羅及鐵住訖先至京師賞以金幣居宅仍遣內侍禿教化如皇兄行在所播州楊萬戶引四川賊兵至烏江峯官軍敗之八番元帥脫出亦破烏江北岸賊兵復奪關口諸王月魯帖木兒統蒙古漢人荅刺罕諸軍及民丁五萬五千俱至烏江癸未遣宣靖王買奴往行在所丙戌皇兄明宗即皇帝位於和寧之北四川囊加台焚雞武關大橋又焚棧道命中書省錄江陵汴梁郡縣官扈從者三十四人並陞其階秩陝西大饑行省乞糧三十萬石鈔三十萬錠詔賜鈔十四萬錠

遣使往給之大同路言去年旱且遭兵民多流殍

以本路及東勝州糧萬三千石減時直十之二賑糶

之奉元蒲城縣民王顯政五世同居衛輝安寅妻陳

氏河間王成妻劉氏冀寧李孝仁妻寇氏濮州王義

妻雷氏南陽郟二妻張氏懷慶阿魯輝妻翟氏皆以

貞節並旌其門二月己丑曲赦四川囊加台庚寅燕

鐵木兒復為中書右丞相立繕工司掌織御用文綺

秩正三品辛卯帝御大明殿冊命皇后雍吉刺氏廣

西思明路軍民總管黃克順來貢方物壬辰囊加台

據雞武關奪三义柴關等驛癸巳遣翰林侍講學士

兩廂侯謝修
曹元用祀孔子於闕里囊嘉台以書誘鞏昌總帥汪
廷昌丙申命中書省翰林國史院官祀太祖太宗睿
宗御容於普慶寺丁酉遣晉邸部曲之在京師者遠
所部囊加台以兵至金州搃白工關陝西行省督軍
禦之樞密院言囊加台阻兵四川其亂未已請命鎮
西武靖王搠思班等皆調軍以湖廣行省官脫歡別
薛孛羅及鄭昂霄總其兵進討從之戊戌命察罕腦
兒宣慰使撒忒迷失將本部蒙古軍會鎮西武靖王
等討四川諸傭雇者主家或犯惡逆反侵損已身許
諸官餘非于已不許告許著爲制頒行農桑輯要及

栽桑圖辛丑中書省議追尊皇妣亦乞烈氏曰仁獻
章聖皇后唐兀氏曰文獻昭聖皇后命有司具冊實
建遊皇城佛事雲南行省蒙通蒙箕甸土官阿三木
開南土官哀放八百媳婦金齒九十九洞銀沙羅甸
咸來貢方物癸卯賜吳王木楠子西寧王忽答的迷
失諸王那海罕闊兒吉思金銀有差丙午囊加台分
兵逼襄陽湖廣行省調兵鎮播州及歸州己酉熒惑
犯井宿辛亥帝謂廷臣曰撒迪還言大兄已卽皇帝
位凡二月二十一日以前除官者速與制敕後凡銓
選其請行在以聞廬州路合肥縣地震壬子命有司

造行在帳殿。癸丑諸王月魯帖木兒等至播州招諭
土官之從囊加台者楊延里不花及其弟等皆來降
甲寅立奎章閣學士院秩正三品以翰林學士承旨
忽都魯都兒迷失集賢大學士趙世延並為大學士
侍御史撒迪翰林直學士虞集並為侍書學士又置
承制供奉各二員更鑄鈔板仍毀其刻者調河南江
湖江西山東兵萬一千及左右翼蒙古侍衛軍二千
討四川乙卯置銀沙羅甸等處宣慰司都元帥府丙
辰奉元臨潼咸陽二縣及畏兀兒八百餘戶告饑陝
西行省以便宜發鈔萬三千定賑咸陽麥五千四百

石賑臨潼麥百餘石賑畏兀兒遣使以聞從之永平
大同二路上都雲需兩府貴赤衛皆告饑永平賑糧
五萬石大同賑糶糧萬三千石雲需府賑糧一月貴
赤衛賑糧二月真定平山縣河間臨津等縣太名魏
縣有蟲食桑葉盡蟲俱死三月辛酉遣燕鐵木兒奉
皇帝寶于明宗行在所仍命知樞密院事禿兒哈帖
木兒御史中丞八卽刺翰林直學士馬哈某典瑞使
教化的宣徽副使章吉僉中政院事脫因通政使那
海太醫使呂廷王給事中咬驢中書斷事官忽兒忽
答右司郎中孛別出左司員外郎王德明禮部尚書

八刺哈赤從行復命有司舉金千五百兩銀七千五百兩幣帛各四百匹及金腰帶二十詣行在所。以備賜予。帝命廷臣曰。寶璽既北。王斷今國家政事。其遣人聞于行在所。癸亥。命有司造乘輿服御。北迎大駕。改潛邸所幸諸路名。建康曰集慶。江陵曰中興。瓊州曰乾寧。潭州曰天臨。甲子。減太官羊。直丙寅。躍里帖木兒自行在還。諭旨曰。朕在上都。宗王大臣必皆會集。有司當備供張。上都積貯已爲倒剌沙所耗。大都府藏聞亦悉虛。供億如有不足。其以御史臺司農司樞密宣徽宣政筮院所貯克之。蒙古饑民之聚京

師者。遣往居庸關北人給鈔一錠布一匹。仍令與和路賑糧。兩月還。所部戊辰。雲南諸王答失不花禿堅不花及平章馬忽思等集衆五萬數。丞相也兒吉尼專擅十罪。將殺之也。兒吉尼遁走。八番答失不花等僞署叅知政事等官。已巳。命改集慶潛邸建大龍翔集慶寺。以來歲興工。辛未。監察御史與扎魯忽赤等官錄囚。壬申。以去冬無雪。今春不雨。命中書及百司官分禱山川羣祀。設奎章閣。授經郎二員。職正七品。以勲舊貴戚子孫及近侍年幼者肄業。甲戌。舊賜篤麟帖木兒平江田百頃。官嘗收其租米。詔特予之。開

遼陽酒禁乙亥置行樞密院以山東都萬戶也速台
兒知行樞密院事與湖廣河南兩省官進兵平四川
也速台兒以病不往命明里董阿爲蒙古巫覡立祠
下丑文獻昭聖皇后神御殿月祭特命如列聖故事
僧道也里可溫木忽答失蠻爲商者仍舊制納稅丙
戌曩加台所遣守隘礪門安撫使布答思監等降於
雲南行省丁亥雨土霾夏四月巳丑時享于太廟辛
卯命躍里鐵木兒王不憐吉台代也速台兒討四川
不憐吉台以母老辭同僉樞密院事傅巖起請往從
之壬辰匠官年七十者許致仕浚鄆州漕運河甲午

四番衛士各分五十人直東宮丁酉給鈔萬錠爲集
慶大龍翔寺置永業戊戌以陝西久旱遣使禱西嶽
西鎮諸祠賜衛士萬三千人鈔人八十錠四番衛士
舊以萬人爲率至是增三千人巳亥湖廣行省叅知
政事字羅奉詔至四川赦曩加台等罪曩加台等聽
詔蜀地悉定諸省兵皆罷癸卯明宗遣武寧王徹徹
禿中書平章政事哈八兒禿來錫命立帝爲皇太子
命仍置詹事院罷儲慶司陝西諸路饑民百二十三
萬四千餘口諸縣流民又數十萬先是嘗賑之不足
行省復請令商買入米中鹽富家納粟補官及發孟

津倉糧八萬石及河南漢中廉訪司所貯官租以賑從之。德安府屯田饑賑糧千石。常德澧州慈利州饑賑糶糧萬石。賑衛輝路饑民萬七千五百餘戶。丙午封孛羅不花爲鎮南王。占臘國來貢羅香木及象豹白猿。戒翰林典瑞兩院官不許互相奏請。璽書以護其家。諸王分邑達魯花赤受代不得仍留官所。其父兄所居官子弟不得再任。辛亥賑鄧州諸縣被兵逃戶糧三千六百石。壬子賑通州諸縣被兵之民糧兩月。被俘者四千五百一十人。命遼陽行省督所屬簿錄護送歸其家。丙辰行在所遣只兒哈郎等至京師河

南廉訪司言河南府路以兵旱民饑食人肉事覺者五十一人。餓死者千九百五十人。饑者二萬七千四百餘人。乞弛山林川澤之禁。聽民采食。行入粟補官之令。及括江淮僧道餘糧以賑。從之。江淞行省言池州廣德寧國太平建康鎮江常州湖州慶元諸路及江陰州饑民六十餘萬戶。當賑糧十四萬三千餘石。從之。諸王忽刺答兒言黃河以西所部旱蝗凡千五百戶。命賑糧兩月。大都興和順德大名彰德懷慶衛輝汴梁中興諸路泰安高唐曹冠徐邳諸州饑民六十七萬六千餘戶。賑以鈔九萬錠。糧萬五千石。大都

宛平縣保定遂州易州賑糧一月靖州賑糶糧九千
八百石濮州鄆城縣蠶災大寧興中州懷慶孟州廬
州無爲州蝗廣西獠寇古縣五月丁巳朔復賜魯國
大長公主鈔二萬錠以構居第賜燕鐵木兒祖父紀
功碑銘水達達路阿速古兒千戶所大水己未遣翰
林學士承旨阿鄰帖木兒北迎大駕命司天監祭星
昌王八刺失里還鎮庚申太白犯鬼宿積尸氣癸亥
復遣翰林學士承旨幹耳朶迎大駕乙丑命有司給
行在宿衛士衣糧及馬芻豆以儲慶司所貯金三十
錠銀百錠建大承天護聖寺給皇子宿衛之士千人

鈔四番宿衛增爲萬三千人至是又增千人甲戌命
中書省臣擬注中書六部官奏于行在所乙亥幸大
聖壽萬安寺作佛事于世祖神御殿又於玉德殿及
大天源延聖寺作佛事丙子武寧王徹徹禿中書平
章政事哈八兒禿至自行在所致立皇太子之命賜
徹徹禿金五百兩餘有差改儲慶使司爲詹事院伯
顏鐵木兒補化及江南行臺御史大夫阿兒思蘭海
牙江淞行省平章政事曹立並爲太子詹事又除副
詹事詹事丞及斷事官家令司典寶典用典醫等官
丁丑帝發京師北迎明宗皇帝戊寅次于大口徵諸

王鼎入朝。庚辰次香水園。置江淮財賦都總管府。秩正三品。隸詹事院。陝西行省言鳳翔府饑民十九萬七千九百人。本省用便宜。賑以官鈔萬五千錠。又豐樂八屯軍士饑死者六百五十人。萬戶府軍士饑者千三百人。賑以官鈔百三十錠。從之。給保定路定興驛車馬。又賑被兵之民百四十五戶。糧一月。真定路民被兵者二千七百四十八戶。亦命賑之。上都迭只諸位宿衛士及開平縣民被兵者。並賑以糧。大名路蠶災。六月丁亥朔。明宗遣近侍馬駒塔台。別不花。至丁酉。鐵木兒補化。以旱乞。避宰相位。有旨諭之曰。

皇帝遠居沙漠。未能卽至京師。是以勉攝大位。今亢陽爲災。皆予闕失所致。汝其勉修厥職。祇修實政。可。以土荅天變。仍命馳奏于行在。己亥。江浙行省言。紹興慶元台州婺州諸路饑民凡十一萬八千九十戶。乙巳。命中書省建繫也。先捏以還。丙午。永平屯田府所隸昌國諸屯。大風驟雨。平地出水。丁未。太白晝見。庚戌。次于土都之六十店。辛亥。陝西行臺御史孔思迪言。人倫之中。夫婦爲重。比見內外大臣得罪就刑者。其妻妾卽斷付他人。似與國朝旌表貞節之旨。不侔。夫亡終制之令相反。况以大節之婦。配有功之人。

又與前賢所謂娶失節者以配身是已失節之意不同。今後凡負國之臣，籍沒奴婢財產，不必罪其妻子。當典刑者，則孥戮之，不必斷他他人。庶使婦人均得守節。請著為令。壬子海運糧至京師，凡百四十萬九千一百二十石。是月陝西雨，賜鳳翔府岐陽書院額。書院祀周文憲王，仍命設學官。春秋釋奠如孔子廟。儀明宗遣吏部尚書別兒怯不花還京師，命中書集老臣議賑荒之策。時陝西河東燕南河北河南諸路流民十數萬，自嵩汝至淮南，死亾相籍。命所在州縣官以便宜賑之。順元思播州諸驛，因兵與馬多羸弊。

驛戶貧乏，令有司市馬補之。益都莒密二州春水夏旱，蝗饑民三萬一千二百戶，賑糧一月。陝西延安諸屯以旱免徵舊所遺糧千七百七十石。永平屯田府昌國濟民豐贍諸署以蝗及水災免今年租。汴梁蝗衛輝蠶災，峽州旱，淮東諸路歸德府徐邳二州大水。秋七月丙辰朔日有食之，丁巳次上都之三十里店。宗仁衛屯田大水，壞田二百六十頃。戊午大都之東安薊州永清益州路縣春夏旱，麥苗枯。六月壬子雨，至是日乃止。皆水災。己未夏定遷徙法，凡應徙者驗所居遠近移之，千里在道遇赦皆得放還，如不悛再

犯徙之本省不毛之地十年無過則量移之所遷人
死妻子聽歸土著著爲令征京師僧道商稅癸亥太
白經天丙子帝受皇太子寶辛巳發諸衛軍六千完
京城冀寧陽曲縣雨雹大者如雞卵令諸王封邑達
魯花赤推擇本部年二十五以上識達治體廉慎無
過者以克或有冒濫罪及王傳遣使以上尊腊羊鈔
十定至大都國子監助教秋上丁釋奠以淮安海寧
州鹽城山陽諸縣去年水免今年田租真定河間汴
梁永平淮安大寧廬州諸屬縣及遼陽之蓋州蝗八
月乙酉朔明宗次于王忽察都丙戌帝八見明宗宴

帝及諸王大臣于行殿庚寅明宗崩帝入臨哭盡哀
燕鐵木兒以明宗后之命奉皇帝寶授于帝遂還壬
辰次羅察罕以魯顏爲中書左丞相依前太保欽
察台阿兒思蘭海牙趙世延並中書平章政事甘肅
行省平章孕兒只爲中書右丞中書叅議阿榮太子
詹事丞趙世安並中書叅知政事前右丞相塔失鐵
木兒知樞密院事鐵木兒補化及上都留守鐵木兒
脫並爲御史大夫癸巳帝至上都乙未賜護守大行
皇帝山陵官御史大夫孛羅等鈔有差焚四川僞造
鹽茶引丙申監察御史徐夔言天下不可一日無君

神器不可一時而曠。先皇帝奄棄臣庶已踰數日。伏望聖上早正宸極。以安億兆之心。實宗社無疆之福。流諸王忽刺出于海南。丁酉命阿榮趙世安提調通政院事。一切給驛事皆關白。然後給遣。戊戌四川囊加台以指斥乘輿坐大不道棄市。己亥帝復卽位于上都大安閣。大赦天下。詔曰朕惟昔上天啓我太祖皇帝肇造帝業。列聖相承。世祖皇帝旣大一統卽建儲貳而我裕皇天不假年成宗入繼纔十餘載我皇考武宗歸膺大寶。古元享天心志存不私。以仁廟居東宮遂嗣宸極。甫及廿六皇降割我家晉邸違盟構逆。據

有神器天示譴告。竟隕厥身。於是宗戚舊臣協謀以舉義正名。以討罪搃。諸統緒屬在眇躬。朕興念大兄播遷朔漠。以賢以長。曆數宜歸。力拒羣言。至於再四。乃曰艱難之際。天位久虛。則衆志弗固。恐墮大業。朕雖從請而臨御。秉初志之不移。是以固讓之詔始頒。奉迎之使已遣。尋命阿刺忒納失里燕鐵木兒奉皇帝寶璽。遠迓干途。受寶卽位之日。卽遣使授朕皇太子寶。朕幸釋重負。實獲素心。乃率臣民北迎大駕。而先皇帝跋涉山川。蒙犯霜露。道里遼遠。自春徂秋。懷艱阻於歷年。望都邑而增慨。徒御弗慎。屢爽節宣信。

使往來相望於道路彼此思見交切於衷懷八月一日大駕次王忽察都朕欣瞻對之有期獨兼程而先進相見之頃悲喜交集何數日之間而宮車弗駕國家多難遽至於斯念之痛心以夜繼旦諸王大臣以爲祖宗基業之隆先帝付托之重天命所在誠不可違請卽正位以安九有朕以先皇帝奄業方新摧恒何忍銜哀辭對固請彌堅執誼伏闕者三日皆宗社大計乃以八月十五日卽皇帝位于上都可大赦天下自天曆二年八月十五日昧爽以前罪無輕重咸赦除之於戲戡定之餘莫急乎與民休息丕變之道

莫大乎使民知義亦惟爾中外大小之臣各究乃心以稱朕意庚子命阿榮趙世安督造建康龍翔集慶寺辛丑立寧徽寺掌明宗宮分事壬寅以鈔萬錠幣帛二千匹供明宗后八不沙費用陞奎章閣學士院秩正二品更司籍郎爲群玉署秩正六品癸卯幸世祖所御幄殿後祭禁凡送諸王駙馬恩賜者毋受金幣死者以賊論或以衣馬爲贈者聽遣道士苗道一吳全節修醮事于京師毛穎達癸遁甲神于上都南屏山大都西山甲辰命司天監及回回司天監熒星中書省臣言祖宗故事卽位之初必恩賚諸王百官比因兵與經費不足請如武

宗之制凡金銀五錠以上減三之一五錠以下全界之
又以七分爲率其二分準時直給鈔制可遣欽察台先
還京師經理政務燕鐵木兒阿榮留上都監給恩賚金
幣以仁宗英宗潛邸宿衛士二百人還大都備直宿乙
巳立藝文監秩從三品隸奎章閣學士院又立藝林庫
廣成局皆隸藝文監賜御史中丞史惟良沛縣地五十
頃發諸衛軍浚通惠河丙午自庚子至是日晝霧夜晴
封牙納失里爲遼王以故遼王脫脫印賜之出官米五
萬石賑糶京師貧民丁未以馬扎兒台爲上都留守馬
扎兒台前爲陝西行臺侍御史坐塗毀詔書得罪以其

兄伯顏有功故特官之戊申封諸王寬徹爲肅王巳
酉車駕發上都賜明宗北來衛士千八百三十人各
鈔五十錠怯薛官十二人各鈔一百錠賜諸部曲出
征者幣帛人各二匹遣還冀寧之忻州兵後荐饑賑
鈔千錠庚戌改詹事院爲儲政完伯顏兼儲政使中
政使哈撒兒不花太子詹事丞霄雲世月思前儲慶
使姚煒並儲政使河東宣慰使哈散託朝賀爲名斂
所屬鈔千錠八巳事覺雖會赦仍徵鈔還其主敕自
令有以朝賀斂鈔者依枉法論罪癸丑徵吳王潑皮
及其諸父木楠子赴京師甲寅置降祥總管府秩正

兩廂侯謝修
三品總建大承天護聖寺工役監察御史劾前丞相
別不花昔以賊罷天曆初因人成功遂居相位既矯
剝以買驢家貲賜平章速速又與速速等潛呼日者
推測聖筭今奉詔已釋其罪宜竄諸海島以杜姦萌
帝曰流竄海島朕所不忍其并妻子置之集慶河南
府路旱沒又被兵賑以本府屯田租及安豐務運運
糧三月莒密所諸州饑民采草木實盜賊日滋賑以
米二萬一千石并賑晉寧路饑民鈔萬錠大名真定
河間諸屬縣及湖池饒諸路旱保定之行唐縣蝗加
封大都城隍神爲護國保寧王夫人爲護國保寧王

是月乙卯朔作佛事于大明殿興聖隆福諸宮事故
宋太后全氏田爲大承天護聖寺永業戊午賜武寧
王徹徹禿金百兩銀五兩西域諸王燕只吉台金二千
五百兩銀萬五千兩鈔幣有差己未立龍翔萬壽營繕
提點所海南營繕提點所並秩正四品隸隆祥總營府
庚申加封故領諸路道教事張留孫爲上卿太宗師輔
成贊化保運神德真君辛酉凡往明宗所送寶官吏越次
超陞者皆從黜降賑甘肅行省沙州察八等驛鈔各千五
百錠癸亥敕宣徽院所儲金銀鈔幣百司毋得奏請甲
子賜雲南烏撒土官祿余曲靖土官舉精衣各一襲下

兩廂侯謝修
卯大駕至大都戊辰敕翰林國史院官同奎章閣學
士采輯本朝典故準唐宋會要著爲經世大典召威順
王寬徹不花赴闕敕使者頒詔赦率日行二百餘里既受
命逗留三日及所至飲宴稽期者治罪取賂者以枉法
論辛未以控鶴士二十人賜宣靖王買奴監察御史劾
叅知樞密院事塔失帖木兒阿附倒刺沙又與王樞密
兵犯闕今旣待以不死而又付之兵柄事非便詔罷之
壬申怯薛官武備卿定住持授開府儀同三司癸酉帝
御大明殿受諸王百官朝賀鐵木迭兒諸子鎖住等明
宗嘗敕流于南方燕鐵木兒言鎖住天曆初有勞于國

請各遣還田里從之甲戌命江淞行省明年漕運糧三
百八十萬石赴京師廣西思明州土官黃宗未遣其子
來貢虎豹方物乙亥史惟良上疏言今天下郡邑被災
者衆國家經費若此之繁帑藏空虛民凋瘵此政更
新百廢之時宜遵世祖成憲汰冗濫蠶食之人罷土木
不急之役事有不便者咸釐正之如此則天災可弭禎
祥可致不然將恐因循苟且其弊漸深治亂之由自此
而分矣帝嘉納之丙子改太禧院爲大禧宗禋院立溫
州路竹木場以衛輝路旱罷蘇門歲輸米三千石鐵木
兒補化加錄軍國重事以翰林學士承旨也兒寬元

帥梁國公都列捏並知行樞密院事立衛候司秩正四品隸儲政院賑陝西臨潼等二十三驛各鈔五伯錠論也先捏以不忠不敬伏誅嵐管臨三州所居諸王刺馬忽都火者等部曲乘亂爲寇遣省臺宗正府官往督有司捕治之壬午伯顏以病在告居赤城遣使召赴闕封知樞密院事燕不鄰爲興國公以大司農卿燕赤爲司徒癸未建顏子廟于曲阜所居陋巷上都西按塔罕闊于忽刺禿之地以兵旱民告饑賑糧一月冬十月甲申朔帝服袞冕享太廟丙戌命欽察台兼領度支監遣鎮南王孛羅不花還鎮揚州禁奉元永平釀酒戌子知

州禁奉元永平釀酒戌子知樞密院事昭武王火沙知行樞密院事己丑立大承天護聖寺營繕提點所秩正五品又立大都等處平江等處田賦提舉司二秩從五品皆隸隆祥總管府辛卯燕鐵木兒率群臣請上尊號不許雲南行省立元江等處宣慰司申飭海道轉漕之禁籍四川囊加台家產其黨楊靜等皆奪爵杖一百七籍其家流遼東封太禧宗裡使禿堅鐵木兒爲梁國公甲午以登極恭謝遣官代祀于南郊社稷中書省臣言舊制朝官以三十月爲一考外任則三年爲滿比年朝官率不久於其職或數月卽改遷於典制不類且治蹟無

從考驗請如舊制爲宜敕除風憲官外其餘朝官不許二十月內遷調監察御史劾奏吏部尚書入刺哈赤先除陝西行臺侍御史避難不行罷之丙申中書省臣言臣等謹集樞密院御史臺翰林集賢院奎章閣太常禮儀院禮部諸臣僚議上大行皇帝尊諡曰翼獻景孝皇帝廟號明宗國言謚號曰護都篤皇帝是日奉玉冊玉寶于太廟如常儀命江西湖廣分漕米四十萬石以紓江浙民力給鈔十五萬錠賑陝西饑民己亥加封天妃爲護國庇民廣濟福惠明著天妃賜廟額曰靈慈遣使致祭申飭都水監河防之禁

辛丑遣使括勘內外郡邑官久次事故應代者歲給上名于中書省以怯憐口諸色民匠總管府及所屬諸司隸徵政院者悉隸儲政院發中政院財賦總管府糧儲在江南者赴京師以助經費驗時直以鈔還之諸王公主官府寺觀撥賜田租除魯國大長公主聽遣人徵收外其餘悉輸於官給鈔酬其直壬寅弛陝西山澤之禁以與民大寧路地震癸卯命道士苗道一建譙于長春宮改瓊州軍民安撫司爲乾寧軍民安撫司陸定安縣爲南康州隸海北元帥府以南建祠主王宮知州事佩金符領軍民監察御史劾奏

張思明在仁宗朝阿附權臣鐵木迭兒間謀兩宮仁宗灼見其姦既行黜降及英宗朝鐵木迭兒再相復援為左丞稔惡不悛竟以罪廢今又冒居是官宜從黜罷詔罷之敕刑部尚書察民之無賴者懲治之甲辰畏兀僧百八人作佛事於興聖殿戊申以江淮財賦都總管府隸儲政院供皇后湯沐之用作佛事于廣寒殿徵朶朶王士熙等十二人于貶所放還鄉里庚戌以親祀太廟禮成詔天下罷大承天護聖寺工役因在獄三年疑不能決者釋之民間拖欠官錢無可追徵者盡行蠲免命通政院官分職往所在官司

僉補逃亡驛戶大都至上都并塔思哈刺地麥怯

驛自備首思供給繁重天曆三年官為應付免徵奉

元路民間商稅一年命所在官司設置常平倉雲南

八番為囊加台所註誤反側未安者並貫其罪免各

處煎鹽竈戶雜泛天役二年遣使代祀嶽瀆山川免

永平屯田總管府田租申禁天下私殺馬牛明宗乳

媪夫幹耳朶在武宗時為大司徒仁宗朝拘其印燕

鐵木兒以為言詔給還之雲南威楚路黃州土官長

放遣其子來朝貢湖廣常德武昌澧州諸路旱饑出

官粟賑糶之陝西鳳翔府饑民四萬七千戶皆賑以

兩廂侯謝修
鈔十一月乙卯以立皇后詔天下受佛戒於京師修
佛事六十日丙辰以句容郡王荅鄰荅里知行樞密
院事詔列聖諸宮后妃陪從之臣求給衣廩芻粟后
八不沙請爲明宗資冥福命帝師率羣僧作佛事七
日于大夫源延聖寺道士建醮于玉虛天寶太乙萬
壽四宮及武當龍虎二山戊午遣使代祀天妃賜燕
鐵木兒宅一區皇后以銀五萬兩助建大承天護聖
寺寇州旱命朶耳只亦都護爲河南行省丞相近制
行省不設丞相中書省以爲言帝有旨朶耳只先朝
舊臣不當以例有武宗宿衛士歲賜如仁宗衛士例

西夏僧總統封國公沖卜卒其弟監藏班咸卜襲職
仍以璽書印章與之癸亥以翰林學士承旨闊徹伯
知樞密院事位居衆知院事上甲子廬州旱饑發糧
五千石賑之止鷹坊毋獵畿甸江西龍興南康撫瑞
袁吉諸路旱丙寅陞山東河北蒙古軍大都督府秩
從二品改普慶修寺人匠提舉司爲營繕提點所秩
從五品隸崇祥總管府雲南威楚路土官昵放來朝
貢罷功德使司以所掌事歸宣政院己巳撒迪爲中
書右丞命中書左丞趙世安提調國子監學庚午諸
王濶不花至自陝西收其印遣還壬申毀廣平王木

刺忽印命哈班代之更鑄印以賜癸酉太陰犯填星
丙子諸王阿刺忒納失里翊戴有勞以其父越王禿
刺印與之丁丑復立孟定路軍民總管府復給元江
路軍民總管府印湖廣州縣爲廣遠等阿寇掠者二
百八十餘所命行省平章劉脫歡招捕之造青木綿
衣萬領賜圍宿軍乙卯翰林國史院臣言纂修英宗
實錄請具倒刺沙欵伏付史館從之高麗國王王燾
久病不能朝請命其子楨襲位以平江官田百五十
頃賜大龍翔集慶寺及大崇禧萬壽寺辛巳二山東
河北蒙古軍大都督府於濮州仍聽山東廉訪司按

治欽察台兼右都威衛使壬午詔豫王阿刺忒納失
里鎮雲南賜其衛士鈔萬錠仍每歲豫給其衣廩十
二月甲申給幽王忽塔忒迷失王傳印以西僧輦真
吃刺思爲帝師詔僧尼徭役一切無有所與丙戌詔
百官一品至三品先言朝政得失一事四品以下悉
聽敷陳仍命趙世安阿榮輯錄所上章疏善者卽議
舉行追封燕鐵木兒曾祖班都察爲溧陽王祖土土
哈爲昇王父床兀兒爲楊王庚寅祓祭于太祖幄殿
以未吉爲大司徒中書省臣言舊制凡有奏陳衆議
定共署乃入奏近年事方議擬一二省臣輒已上請

致多乖滯今請如舊制御史臺臣言風憲官起任母
拘遠近均給驛爲宜並從之辛卯命帝師率其徒作
佛事於凝暉閣甲午冀寧路旱饑賑糧二千九百石
乙未改封前鎮南王帖木兒不花爲宣讓王初鎮南
王脫不花薨子孛羅不花幼命帖木兒不花襲其爵
孛羅不花旣長帖木兒不花請以王爵歸之乃特封
宣讓王以示褒寵收諸王帖古思金印詔諭廷臣曰
皇姑魯國大長公主蚤寡守節不從諸叔繼尚鞠育
遺孤其子襲王爵女配予一人朕思庶民若是者猶
當旌表況在懿親乎趙世延虞集等可議封號以聞

詔諸僧守田白金宋所有及累朝賜予者悉除其租
其有當輸租者仍免其役僧還俗者聽復爲僧戊戌
以淮浙山東河間四轉運司鹽引六萬爲魯國大長
公主湯沐之資己亥遣使驛政故帝師舍利還其國
給以金五百兩銀二千五百兩鈔千五百錠幣五千
匹加謚漢長沙王吳芮爲長沙文惠王壬寅命江瀾
行省印佛經三十七藏癸卯斬州路夏秋旱饑賑米
五十石甲辰以明年正月武宗忌辰命高麗僧三
百四十人預誦佛經三藏于大崇恩福元寺丁未造
至元鈔四十五萬錠中統鈔五萬錠如歲例中書省

臣言在京酒坊五十四所歲輸課十餘萬錠比者間以賜諸王公主及諸宮寺諸王公主自有封邑歲賜宮寺亦各有常產其酒課悉令仍舊輸官爲宜從之開河南冀寧路四川重慶路酒禁罷土番巡捕都元帥府賑上都留守司入刺哈赤二千二百餘戶燭刺赤八百餘戶糧三月鈔有差牙連禿傑魯迭所居鷹坊八百七十戶糧三月戊申以玘璐不花爲御史大夫兼領隆祥總管府事庚戌詔興舉中政院事辛亥趣內外已授官者速赴任改上都餽頭山爲天曆山壬子織武宗御容成卽神御殿作佛事救凡階開府儀同三司者班列居一品之前武昌江夏縣火賑其貧乏者三百七十戶糧一月黃州路及恩州旱並免其租是歲會賦入之數金三百二十七錠銀千一百六十九錠鈔九百二十九萬七千八百錠幣帛四十萬七千五百匹絲八十八萬四千四百五十斤綿七千六百四十五斤糧千九十六萬五十三石

千六百四十五萬五千六百五十三石
萬五千六百四十五萬四千八百四十八石
六百四十五萬三千八百四十八石
六百四十五萬三千八百四十八石
六百四十五萬三千八百四十八石
六百四十五萬三千八百四十八石
六百四十五萬三千八百四十八石
六百四十五萬三千八百四十八石
六百四十五萬三千八百四十八石
六百四十五萬三千八百四十八石

本紀卷第二十四

元史三十四

南登京平國子監祭酒子侯恪

趙察台並賚美... 司... 謝德溥 補修

文宗三

至順元年春正月丙辰命趙世延趙世安領纂修經

世大典事懷慶路饑賑鈔四千錠丁巳賜明宗妃按

出罕月魯沙不顏忽魯都鈔幣有差以知樞密院事

伯帖木兒為遼陽行省左丞相戊午頒璽書諭雲南

辛酉時享太廟命回回司天監榮星壬戌中興路饑

賑糶糧萬石貧者仍賜其家甲子燕鐵木兒伯顏並

辭丞相職不允仍命阿榮趙世安慰諭之丁卯雲南諸王禿堅及萬戶伯忽阿禾怯朝等叛攻中慶路陷之殺廉訪司官執左丞忻都等迫令署諸文牘庚午芍陂屯及鷹坊軍士饑賑糧一月辛未中書省臣言科舉會試日期舊制以二月一日三日五日近歲改爲十二十三十五請依舊制從之壬申衡陽徭爲寇劫掠湘鄉州癸酉以宣徽使撒敦復知樞密院事與欽察台並領長寧卿己亥賜燕鐵木兒質庫一寧海州文登牟平縣饑賑以糧三千石丙子衡州路饑總管王伯恭以所受制命質官糧萬石賑之丁丑追封

三寶奴爲郢城王謚榮敏召荆王之子脫脫木兒赴闕趙世延請致仕不允命中書省製玉帶二十賜臣僚官一品者遣使賚金千五百兩銀伍百兩詣杭州書佛經賜海南大興隆普明寺鈔萬錠市永業地戊寅賜隆興總官府田千頃立荆襄等處平松等處田賦提舉司並隸太禧宗禋院命陝西行省以鹽課鈔十萬錠賑流民之復業者徭賦八百餘人寇石康縣己卯封太醫院使野理牙爲秦國公庚申陞郡王署爲郡王內司秩正三品置司慰亞慰僉司司丞仍隸奎章閣學士院禮部尚書夔夔余監群玉內司事辛

已改大都田賦提舉司爲宣農提舉司荆襄田賦提舉司爲荆襄濟農香戶提舉司平江提舉司爲平江善農提舉司遣使齎鈔三千錠往甘肅市髦牛濠州去年旱賑糧一月大明路及江淞諸路俱以去年旱告永平路以去年八月雹災告加封秦司郡太守李冰爲聖德廣裕英惠王其子二郎神爲英烈昭惠靈顯仁祐正二月壬申朔以趙世安爲御史中丞史惟良爲御史左丞癸未加知樞密院事燕不鄰開府儀同三司籍張珪子五人家資乙酉以西僧加瓦藏卜蘇八兒監藏並爲烏思藏土蕃等處宣慰使都元帥

雲南麓州等土官來貢方物揚州安豐廬州等路饑以兩淮鹽課鈔五萬錠糧五萬石賑之真定蘄黃等路汝寧府鄭州饑各賑糧一月丁亥命江南陝西河等處富民輸粟補官江南萬石者官正七品陝西千五百石河南二千石江南五千石者從七品自餘品級有差四川富民有能輸粟赴江陵者依河南例其不願仕乞封父母者聽僧道輸已粟者加以師號徵江浙江西湖廣賑糶糧價鈔赴京師己丑禿堅伯忽等攻陷仁德府至馬龍州調八番元帥完澤將八番峇刺罕軍千人順元土軍五百人禦之庚寅改萬聖

祐國興龍普明罷翔萬壽三提點所並爲營繕都司
秩正四品萬安規運普慶營繕等八提點所並爲營
繕司秩正五品以修經世大典久無成功奪命奎章
閣阿隣帖木兒忽都魯都兒迷失等譯國言所紀典
章爲漢語纂修則趙世延虞集等而燕鐵木兒如國
史例監脩開元路胡里改萬戶府軍士饑給糧賑之
二月辛卯朔以御史臺贓罰鈔萬錠金千兩銀伍千
兩付太禧宗禋院供祭祀之需賜燕鐵木兒給驛壘
書以徵其食邑祖賦奎章閣學士忽都魯都兒迷失
撒兒虞集辭職詔諭之曰昔我祖宗睿知聰明其於

致理之道自然生知朕以統緒所傳實在渺躬夙夜
憂懼自惟早歲跋涉艱阻視我祖宗旣乏生知之明
於國家治體豈能周知故立奎章閣置學士貞日以
祖宗明訓古昔治亂得失陳說於前使朕樂於聽聞
卿等其推所學以稱朕意其勿復辭帖麥赤驛戶及
建康廣德鎮江諸路饑賑糧一月衛輝江州二路饑
賑鈔二萬錠寧國路饑嘗賑糧二萬石不足復賑萬
五千石癸巳衛輝路昨城新鄉縣大風雨災甲午自
庚寅至是日京師大霜晝零立諸色民匠捕鷹坊都
總管府秩正二品置奎章閣監書博士二人秩正五

品禿堅伯忽等攻晉寧州禿堅自立爲雲南王伯忽爲丞相阿禾忽刺忽等爲平章等官立城柵焚倉庫以拒命乙未中書省言江浙民饑令歲海運爲米二百萬石其不足者來歲補運從之丙申雲南蒲蠻來朝賑常德澧州路饑丁酉帝及皇后燕王阿刺忒納荅刺並受佛戒己亥命明宗皇子受佛戒監察御史言中書平章朶兒失職任台銜不思報效銓選之際紊亂綱紀貪污著聞恬不知耻黜罷爲宜從之徃賊入灌陽縣劫民財庚子以兵興所收諸王也先帖木兒朔思監等印還給之壬寅珣路不花辭御史大夫

職不允土蕃等處民饑命有司以糧賑之新安保定諸驛孳畜疫死命中書給鈔濟其乏癸卯汴梁路封丘祥符縣霜災甲辰流王禪之子于吉陽軍乙巳封明宗皇子亦璘真班爲鄜王豫王阿刺忒納失里所部千六百餘人饑賑糧二月淮安路民饑以兩淮鹽課鈔五萬錠賑之丙午復以阿兒思蘭海牙爲江南行臺御史大夫命中尙卿小云失以兵討雲南御史臺臣言欽察台天曆初在上都常與闊闊出等謀執倒刺沙事泄同謀者皆死欽察台以出征獲免頃臺臣疑而劾之不稱事情宜雪其枉制曰可丁未以伯

顏知樞密院事依前太保錄軍國重事詔諭中書曰
昔在世祖嘗以宰相一人總領庶務故治出於一政
有所統今燕鐵木兒爲右丞相伯顏既知樞密院事
左丞相其勿復置大禧宗禋院所隸總管府各置副
達魯花赤一人賜豫王王傳官金虎符戊申命中書
省及翰林國史院官祭太祖太宗睿宗三朝御容以
太禧宗禋使阿不海牙爲中書平章政事命史惟良
及叅知政事和尚總督建言之事中書省臣言舊制
正旦天壽節內外諸司各有贊獻頃者罷之今江浙
省臣言聖恩公溥覆幬無疆而臣等殊無補報凡遇

慶禮進表稱賀請如舊制爲宜從之降璽書申鹽法
之禁以嘉興路崇德縣民四萬戶所輸租稅供英宗
后妃歲賜錢帛詔諭樞密院以屯田子粒鈔萬錠助
建佛寺免其軍卒土木之役庚戌茶陵州民飢同知
萬家奴江存禮以所受救質糧三千石賑之辛亥迤
西蒙古驛戶飢給芻粟有差賑河南流民復歸者鈔
五千錠泰安州饑民三千戶真定南宮縣饑民七千
七百戶松江府饑民萬八千二百戶及王蕃采里只
失監萬戶部內饑命所在有司從宜賑之濟寧路饑
民四萬四千九百戶賑以山東鹽課鈔萬錠杭州火

賑糧一月命市故瀛國公趙鼎田爲大龍翔集慶寺
永業御史臺臣言不必予其直帝曰吾建寺爲子孫
黎民計若取人田而不予直非朕志也察罕腦兒宜
慰司所部千戶察刺等衛饑者萬四千四百五十六
人人給鈔一錠三月甲寅命宣政院供顯懿莊聖皇
后神御殿祭祀垂西斛蠻三千人入松梨山燒沿邊
官軍營堡東平路須城縣饑賑以山東鹽課鈔安慶
安豐蘄黃廬五路饑以淮西廉訪司贓罰鈔賑之丁
巳徙封濟陽王木楠子爲吳王吳王潑皮爲濟陽王
賜八番順元曲靖烏撒烏蒙蒙慶羅羅斯嵩明州土

官幣帛各一禁泛濫給驛四川官吏脅從囊加台者
皆復故職戊午封皇子阿剌忒納荅刺爲燕王立宮
相府總其府事秩正二品燕鐵木耳領之廷試進士
賜篤列圖王文燁等九十七人及第出身有差命彰
總路歲祭羨里周文王祠以河南行省平章乞仕爲
雲南行省平章八番順元宣慰使帖木兒不花爲雲
南行省左丞從豫王由八番道討雲南賜明宗近侍
七十人官有差裕宗及昭獻元聖皇后位宿衛三千
八命儲政院給其衣糧芻粟發米十萬石賑糶京師
貧民癸亥遣諸王桑哥班撒忒迷失買哥分使西北

諸王燕只吉台不賽因月卽別等所甲子詔諭中外
命御史大夫鐵木兒補花玥璐不華振舉臺綱丁卯
木八刺沙來貢菖蒲酒賜鈔幣有差以山東鹽課鈔
萬錠賑東昌饑民三萬二千六百戶己巳議明宗升
祔序於英宗之上視順宗成宗廟遷之例辛未羣臣
請上皇帝尊號不許固請不已乃許之封知樞密院
事不花帖木兒爲武平郡王錄討雲南禿堅伯忽之
功雲南宣慰使土官舉宗祿余並遙授雲南行省叅
知政事餘賜賚有差分龍慶州隸大都路諸王也孫
台部七百餘人入天山縣掠民財產遣樞密院宗正

府官往捕之壬申奉玉冊玉寶祔明宗神主于太廟
濮州臨清館陶二縣饑賑鈔七千錠光州光山縣饑
出官粟萬石下其直賑羅信陽息州及光之固始縣
饑並以附近倉糧賑之甲戌封諸王速來蠻爲西寧
王乙亥西番哈刺火州來貢蒲萄酒諸王駙馬還鎮
錫賚有差丙子改山東都萬戶府爲都督府雲南木
邦路土官渾都來貢方物河南登封偃師孟津諸孫
饑賑以兩淮鹽課鈔三萬錠鞏昌臨洮蘭州定西州饑
賑鈔三千五百錠沂莒膠密寧海五州饑賑糧五千石
中興峽州歸州安陸沔陽饑戶二十萬有奇賑糧四月

丁丑陞太常禮儀院秩正二品敕有司供明宗后八不
沙官分幣帛二百匹及阿梯里脫忽思幣帛有差賜燕
鐵木兒功勳之碑廣平路饑以河間鹽課鈔萬三千錠
賑之辛巳諸王哈兒蠻遣使來貢蒲萄酒廣德太平集
慶等路饑凡數百萬戶濮州諸縣蟲食桑葉將盡夏四
月壬午朔命西僧作佛事于仁智殿自是日始至十二月
終罷癸未置怯憐口錢糧都總管府秩正三品中書省
臣言各宮分及宿衛士歲賜錢帛舊額萬人去歲增四
千人邇者增數益廣請依舊額為宜詔命阿不海牙截
省以聞甲申時享太廟丙戌封也真也不干為相國公

燕歲木只言天曆初阿憐軍士為國有勞請以鈔十萬

定米十萬石分給其家之戌子四川行省調重慶五

路萬戶以兵救雲南庚寅中書省臣言邇者諸處民飢

累常賑救去歲賑鈔百三十萬九千六百餘錠糧二

十五萬一千七百餘石今汴梁懷慶彰德大名興和衛

輝順德歸德及高唐秦州徐邳曹冠等州飢民六十七

萬六千戶一百一萬二千餘口請以鈔九萬錠米萬

五千石命有司分賑制曰可以陝西饑民有司作第

事七日壬辰以所籍張哇諸子田四百頃賜大承天

護聖寺為永崇法邊部落蒙古饑民八千二百人給

鈔三錠布二匹糧二月遣還其所部癸巳置豫王王
傳副副司馬各二員丁酉遣諸王桑兀孫還雲南金
蘭等驛馬牛死賑鈔五百錠庚子降重書申諭太極
宗院徑天臨之醴陵湘陰等州台州之臨海等縣饑
各賑糶米五千石辛丑明宗后八不沙崩壬寅括益
都般陽寧海閑田十六萬二千九十頃賜大承天護
聖寺爲末業立益都廣農提舉司及益都般陽寧海
諸提領所並隸隆祥總管府烏蒙土官祿余殺烏撒
宣慰司官文降于伯忽羅羅諸蠻俱叛與伯忽相應
平車估木兒不花爲其所害晉寧建昌二路民饑振

糧五萬五千石鈔二萬三千錠戊申陞西行臺言奉
元鞏昌鳳翔寺路以累歲饑不能具五穀種請給鈔
二萬錠俾分糶于他郡從之雲南賊祿余以募兵七
百餘人屯烏撒順元界立關固守重慶五路萬戶軍
至雲南境值羅羅蠻馬餘人遇害千戶祝天祥等引
餘衆遁還詔江浙江南江西三省調兵二萬命諸王
云都思帖木兒及樞密判官洪浹將之與湖廣行省
平章脫歡會兵討雲南己酉作佛事是月滄州高唐
州屬縣蟲食素葉盡苟陂屯饑賑糧三日土蕃等處
脫思麻民饑命有司賑之賑懷慶承恩孟州等驛鈔

千錠五月乙卯遣宣徽使定住等以受尊號告祭南
郊故四川行省平章寬徹四川道廉訪使忽都魯養
阿等皆爲囊加台所害並贈官賜謚掄次縣主簿太
帖木兒河中府判官秃塔兒皆爲遼東軍所害並加
褒贈戊午帝御大明殿燕帖木兒率文武百官及僧
道耆老奉玉冊王寶上尊號曰欽天統聖至德誠功
太文孝皇帝是日改元至順詔天下河南懷慶衛輝
晉寧四路曾經賑濟人戶今歲差發全行蠲免其餘
被災路分人民已經賑濟者腹裏差發江淮夏稅亦
免三示已未采羅斯權土官宣慰繼加伯阿滿土官

阿刺里州土官德益叛附于祿余庚申以受尊號恭
謝太廟辛酉四川行省討雲南進軍至烏蒙壬戌歸
德府之譙縣霧傷麥癸亥四川軍至雲南之雪山峽
遇羅羅斯軍敗之德州饑賑以山東鹽課鈔三千錠
武昌路饑賑以糧五萬石鈔二千錠甲子申命燕鐵
木兒爲中書右丞相詔天下以鈔四萬錠分給宮人
賜魯國大長公主鈔萬錠丁卯翰林國史院修英宗
實錄成戊辰車駕發大都次大口陞尚舍寺秩正三
品命阿鄰帖木兒爲大司徒遣豫王阿刺忒納失里
鎮西番授以金印賜諸王脫歡金印大司徒不蘭奚

銀印加趙世延翰林學士承旨封魯國公賑衛輝大名廬州饑民鈔六千錠糧五千石開元路胡里該萬戶府寧夏路哈赤千戶所軍士饑各賑糧二月己巳次龍虎臺置肅王寬徹傅尉司馬各一員辛未置宣忠扈衛親軍都萬戶府秩正三品總幹羅思軍士隸樞密院以太禧宗禋使亦列赤爲中書平章政事左右欽察龍翊侍衛軍士五千三百七十戶饑戶賑鈔二錠布一疋糧一月癸酉遣使勞軍于雲南時諸王禿剌率萬戶忽都會沙怯列孛羅等皆領兵進討禿堅伯忽甲戌八番垂西縛苗可馬察伯秩等萬人從

擾邊境詔樞密臣分兵討之乙亥置順元宣撫司統荅刺斤軍征雲南人賜鈔五錠衛輝路之徽州以荒乏穀種給鈔三千錠俾穀於他郡己卯遣使詣五臺山作佛事庚辰命湖廣行省以鈔五萬錠給雲南軍需是月右衛左右手屯田大水害禾稼八百餘頃廣平河南大名般陽南陽濟寧東平汴梁等路高唐開濮輝德冠滑等州及大有于斯等屯田蝗以湖東宣慰使陳天祐湖廣叅知政事樊楫死於王事贈封特加一級龍興張仁興妻鄒氏奉元李郁妻崔氏以志節汴梁尹華以孝行皆旌其門六月辛巳朔燕鐵木

兒言嚮有旨惟許臣及伯顏兼領三職今趙世延以平章政事兼翰林學士承旨奎章閣大學士引疾以辭帝曰朕重老成人其令世延仍視事中書果病無預銓選可也丙戌大駕至上都戊子給左右欽察龍翊侍衛軍士糧壬辰鎮江饑賑糧四萬石饒州饑亦命有司賑之癸巳御史臺臣言宣徽院錢穀出納無經以上供飲饍冒昧者多不稽其案牘則弊日滋宜如舊制具實上之省部以備考覈從之丙申立行樞密院計雲南賜給驛鹽書十五銀字圓符五以河南行省平章徹里鐵木兒知行樞密院事陝西行省平

章探馬赤近侍教化爲同知副使發朶甘思朶思麻及鞏昌諸處軍萬三千人人乘馬二匹徹里鐵木兒同鎮西武靖王搠思班等由四川教化從豫王阿剌忒納夫里等由八番分道進軍黃河溢大名路之屬縣沒民田五百八十餘頃庚子以內侍中瑞卿撒里爲大司徒賜四川行省左丞孛羅金虎符以鹽課鈔二十萬錠供雲南軍需命河南湖廣江西甘肅行省誦藏經六百五十部施鈔三萬錠知樞密院事闊徹伯脫脫木兒通政使只見哈郎翰林學士承旨教化的伯顏也不干燕王宮相教化的幹羅思中政使尙

兩廂侯謝修
家奴秃烏台右阿速衛指揮使那海察拜任以謀變
有罪並棄市籍其家癸卯四川李羅以蒙古漸丁軍
五千往雲南乙巳羅羅斯土官撒加伯合烏蒙蠻兵
萬人攻建昌縣雲南行省右丞躍里帖木兒拒之斬
首四百餘級四川軍亦敗撒加伯于蘆古驛丙午朶
思麻蒙古民饑賑糧一月丁未改東路蒙古軍元帥
府爲東路欽察軍萬戶府是月高唐曹州及前後武
衛屯田水災大都益都真定河間諸路獻景泰安諸
州及左都威衛屯田蝗迤北蒙古饑民三千四百人
人給糧二石布二疋旌表真定梁子益妻李氏等貞

節徐州胡居仁孝行秋七月辛亥封諸王按渾察爲
廣寧王授以金印壬子命西僧熒星丙辰以闊徹伯
大司徒印授撒里丁巳命中書省翰林國史院官祀
大祖太宗睿宗御容于大普慶寺命西僧爲皇子燕
王作佛事西域諸王不賽因遣使來朝賀監察御史
請以所籍闊徹伯衣物分賜宿衛軍壬從之己未以
闊徹伯宅賜太禧宗禋院衣服賜群臣通渭山崩壓
民舍命陝西行省賑被災者十二家庚申籍脫脫木
兒家皆輸內府辛酉改哈思罕萬戶府爲總管府秩
四品詔僧道獵戶鷹坊合得墾書者翰林院無得越

兩廂侯謝修
中書省以聞真定路之平棘廣平路之肥鄉保定路
之曲陽行唐等縣大風雨雹傷稼許失台速怯月謹
真孛可等部獻人口牧畜命酬其直江西建昌萬戶
府軍戍廣海者一歲更役來往勞苦詔仍至元舊制
二歲一更乙丑翰林學士承旨也兒吉尼知樞密院
事謂諸衛卒築灤州柳林海子堤偃丙寅蒙古百姓
以饑乏至上都者閱口數給以行糧俾各還所部增
大都賑糶米五萬石大都之順州東安州大風雨雹
傷稼戊辰壽寧公主薨收其印已巳命江浙行省以
鈔十萬錠至雲南增其軍需庚午歲星犯氏宿開平

路雨雹傷稼中書省臣言近歲帑廩虛空其費有五
曰賞賜曰作佛事曰創置衙門曰濫冒支請曰續增
衛士鷹坊請與樞密院御史臺各怯薛官同加汰減
從之御史臺臣劾奏新除河南府總管張居敬避難
不之官有旨免所授官加其罪管甲戌賜諸王養怯
帖木兒孛藥台徵棘斯察阿兀罕等金銀鈔幣有差
丙子敕中書各御史臺遣官詣江浙江西湖廣四川
雲南諸行省遷調三品以下官命四川行省於明年
茶鹽引內給鈔八萬錠增軍需以討雲南賑木隣扎
里至苦鹽泊等九驛每驛鈔五百錠增給戍居關

軍士糧海潮溢漂沒河間運司鹽二萬六千七百餘引丁丑以給驛璽書五銀字圓符二增給陝西蒙古都萬戶府以討雲南故丞相鐵木迭兒子將作使鎖任與其弟觀音奴姊夫大醫使野理牙坐怨望造符錄祭北斗呪咀事覺詔中書鞠之事連前刑部尚書烏馬兒前御史大夫孛羅上都留守馬兒及野理牙姊阿納昔木思等俱伏誅雲南禿堅伯忽等勢愈猖獗烏撒祿余亦乘勢連約烏蒙東川茫部諸蠻欲令伯忽第拜延順等兵攻順元樞密臣以聞詔卽遣使督豫王阿納忒刺失里及行樞密院四川雲南行省

亟會諸軍分道進討以烏蒙烏撒及羅羅斯地接西番與碉門安撫司相爲唇齒命宣政院督所屬軍民嚴加守備又命鞏昌都總帥府調兵千人戍四川開元大同真定冀寧廣平諸路及忠翊侍衛左右屯田自夏至于是不雨奉元晉寧興國楊州淮安懷慶衛輝益都般陽濟南濟寧河南河中保定河間等路及武衛宗仁衛左衛率府諸屯田蝗永平龐遵以孝行福州王薦以隱逸大同李文實妻齊氏河南閻遂妻楊氏大都潘居敬妻陳氏王成妻高氏以志節順德馬奔妻胡閏奴真定民妻周氏冀寧民妻魏益紅

以夫死自縊殉葬並旌其門閭七月庚辰朔封諸王
卯澤爲永寧王授金印及給銀字圓符給驛廩書併
以所隸封邑歲賦賜之癸未遣諸王薦憐渾禿孛羅
等賚銀于兩幣二百匹賜諸王朶列鐵木兒監察御
史葛明誠言中書平章政事趙世延年踰七十智慮
耗衰固位苟容無補於事請斥歸田里臺臣以聞詔
令中書議之雲南茫部路九村夷人阿幹阿里詣四
川行省自陳本路舊隸四川今土官撒加伯與雲南
連叛願備糧四百石民丁千人助大軍進征事聞詔
嘉其去逆效順厚慰諭之衛士上都駐冬者所給糧

以三分爲率二分給鈔大駕將還敕上都兵馬司官
二員率兵士由偏嶺至明安巡邏以防盜賊市橐駝
百牛二百充扈從屬軍之用丙戌忠翊衛左右屯田
隕霜殺稼籍鎖在野里牙等處藏田宅奴僕牧畜給
大承天護聖寺爲永鑄黃金神仙符命印賜掌全
真教道士苗道一己丑立掌醫署秩正五品庚寅以
所籍野理牙宅爲都督府公署辛卯以陝西行臺御
史中丞脫亦納爲中書叅知政事燕鐵木兒言趙世
延向自言年老屢乞致仕臣等以聞嘗有旨世延舊
人宜與共政中書御史之言不知前有旨也帝曰如

御史言世延固難任中書矣其仍任以翰林奎章之職四川行省平章汪壽昌言雲南伯忽叛逆興兵進討調遣餽餉皆壽昌領之頃以市馬造器械軍官俸給軍士行糧已給鈔十五萬錠今伯忽未及殄滅而烏撒烏蒙相繼爲亂大兵深入去朝廷益遠元請軍需早乞頒降從本省酌其緩急便宜以行庶不稽誤從之寧夏奉元鞏昌鳳翔大同晉寧諸路屬縣隕霜殺稼癸巳以月魯帖木兒爲大司徒賜哈刺赤軍士鈔一萬錠糧十萬石察罕腦兒并東西涼亭諸衛士九百五十八人賜鈔五錠糧二月朔漠軍士人鈔三

錠布二匹糧二月命燕鐵木兒以鈔萬錠分賜天曆初諸王羣臣死事之家行樞密院言征戍雲南軍士二人逃歸捕獲法當死詔曰如臨戰陣而逃死宜也非接戰而逃輒當以死何視人命之易耶其杖而流之丁酉大駕發上都授阿憐帖木兒大司徒印戊戌甘肅平章政事乃馬台封宣寧郡王授以金印駙馬謹只兒封惲國公授以銀印並知行樞密院事贈安南國王陳益稷儀同三司湖廣行省平章政事王爵如故謚忠懿益稷在世祖時自其國來歸遂授以國王卽居于漢陽府天曆二年卒至是加贈謚庚子魯王阿剌哥

識里所部三萬餘人告饑賑鈔萬錠糧二萬石中書
省臣言內外佛寺三百六十七所用金銀鈔幣不費
今國用不克宜從裁省命省人及宣政院臣裁減上
都歲作佛事百六十五所定為百四所令有司永為
歲例乙巳雲南使來報捷遣使賜雲南四川省臣行
樞密院臣以上尊丙午諸王卜顏帖木兒請給鞍馬
願從諸軍擊雲南帝嘉其意從之戊申加封孔子父
齊國公叔梁紇為啟聖王母魯國太夫人顏氏為啟
聖王夫人顏子充國復聖公會子邾國宗聖公子思
沂國述聖公孟子鄒國亞聖公河南伯程顥豫國公

伊陽伯程頤洛國公羅羅斯土官撒加伯及阿陋土
官阿刺里州土官德益兵八千撤毀棧道遣把事曹
通潛結西番欲據大渡河進寇建昌四川行省調礪
門安撫司軍七百人成都保寧順慶廣安諸屯兵千
人令萬戶周戡統領直抵羅羅斯界以控扼西番及
諸蠻部又遣成都順慶二翼萬戶咎定遠等以軍五
千同印部知州馬伯所部蠻兵會周戡等從便道共
討之發成都沙糖戶二百九十人防遏叙州徹重慶
夔州逃亡軍八百人赴成都廣西徭于國安率千五
百人寇脩仁荔浦等縣廣西元帥府發兵捕之賊衆

潰走生擒國安大都太寧保定益都諸屬縣及京畿諸衛大司農諸屯水沒田八十餘頃杭州常州慶元紹興鎮江寧國諸路及常德安慶池州荆門諸屬縣皆水沒田一萬三千五百八十餘頃松江平江嘉興湖州等路水漂民廬沒田三萬六千六百餘頃饑民四十萬五千五百七十餘戶詔江淞行省以入粟補官鈔三千錠及勸率富人出粟十萬石賑之寶慶衡永諸處田生青蟲食禾稼寇州郁世復大都趙祥及弟英以孝行旌其門大都愛祖丁塔木瀋州劉仲温以輸米賑貧旌其門八月庚戌河南府路新安沔池

等十五驛饑疫人給米馬給芻粟各一月辛亥雲南躍里鐵木兒以兵屯建昌執羅羅斯把事曹通斬之丁巳北邊諸王月卽別遣使來京師燕鐵木兒由西道出獵未至詔以機務至重遣使趣召之己未大駕至京師勞遣人士還營有言蔚州廣靈縣地產銀者詔中書大禧院遣人泄其事歲所得銀歸大承天護聖寺辛酉以世祖是月生命京師率僧百七十人作佛事七日御史臺臣請立燕王爲皇太子帝曰朕子尙幼非裕宗爲燕王時比俟燕帖木兒至共議之甲子忠州士官黃祖顯遣其子宗忠來朝獻方物乙丑

遣使詣真定玉華宮祀睿宗及顯懿莊聖皇后神御
殿戊辰太白犯氏宿壬申詔興舉蒙古字學中書省
樞密院御史臺言臣等比奉旨裁省衛士今定大內
四宿衛之士每宿衛不過四百人累朝宿衛之士各
不過二百人鷹坊萬四千二十四人當減者四千人
內養九百九十人四怯薛當留者各百人累朝舊邸
宮分養人三千二百二十四人當留者千一百二十
人媵臣怯憐口共萬人當留者六千人其次去者斥
歸本部著籍應役自裁省之後各宿衛復有容匿漢
南高麗人及奴隸濫充者怯薛官與其長杖五十七

犯者與典給散者皆仗七十七以家貲乏半以籍入
之半爲皆者賞仍令監察御史察之制可九月庚辰
江淞行省言今歲夏秋霖雨大水沒民田甚多稅糧
不滿舊額明年海運本省止可二百萬石餘教令他
省補運爲便從之罷入粟補官例糴豆二十三萬石
於河間保定等路冠恩高唐等州出馬八萬匹令諸
路分牧之大寧路地震甲申授不蘭奚及月魯鐵木
見大司徒印吏惟良辭中書左丞職不允命藝文監
以燕鐵木兒世家刻板行之命河南行省給湖廣行
省鈔四千錠爲軍需討雲南遼陽諸王老的蠻子台

諸部擾民敕樞密院宗正府及行省每歲遣官偕往
巡問以治其獄訟監察御史葛明誠劾奏遼陽行省
平章哈刺鐵木兒嘗坐賊被杖罪今復任以宰執控
制東藩亦足見國家名爵之濫黜罷爲宜從之內戊
卯部州土官馬伯嚮導征雲南軍有功以爲征進招
討知本州事江西湖廣蒙古軍進征雲南若人給鈔
五錠雲南羅羅斯叛與成都甚邇而成都軍馬俱進
征雲南詔四川鄰境諸王發藩部丁壯二千人戍成
都廣源賊弗道閉覆寇龍州羅回洞龍州萬戶府移
文誥安南國其國回言本國自歸順天朝恪共臣職

彼疆我異盡歸一統豈以羅回元隸本圖遂起爭端
此蓋邊吏生釁假閉覆爲名爾本府宜自加窮治湖
廣行省備其言以聞命龍州萬戶府由嚴邊防已丑
災惑犯鬼宿辛卯賜陝西蒙古軍之征雲南者三十
人人鈔六錠監察御史朶羅台王文若言嶺北行省
乃太祖肇基之地武宗時太師月赤察兒爲右丞相
太傅答剌罕爲左丞相保安邊境朝廷遂撫北顧之
患今天子臨行及命哈八兒禿爲平章政事其人無
正大之譽有鄙俚之稱錢穀甲兵之事懵無所知豈
能昭宣皇猷贊襄國政且以月赤木兒輩居於前而

以斯人繼其後賢不肖固不待郡而朝理宜黜罷制
曰可癸巳白虹貫日置麓川路軍民總管府復立德
管府於哈刺大州甲午熒惑犯鬼宿積尺氣封魏王
阿木哥子阿魯於西靖王乙未以立冬祀五福十神
太一真君御史臺臣劾奏前中書平章也速忒居台
鼎專尋貪淫雨經杖斷一百七方議流竄率蒙恩宥
量徙湖廣不復具法自守而乃携妻娶妾濫污百端
况湖廣乃屯兵重鎮豈宜居此乞屏之遠裔以示至
公詔求竄雷州湖廣行省遣人械送其所丙申以魯
國大長公王邸第未完復給鈔萬錠命中書平章赤

剌赤董其役巳亥以奎章閣纂脩經世大典命省院
臺諸司以次宴其官屬以平江等處官田五百頃賜
魯國大長公主敕諸人非其本俗敢有弟收其嫂子
收庶母者坐罪壬寅覈實諸衛軍戶物力賜魯國大
長公主鈔萬錠命燕鐵木兒詣其邸第送之丙午命
西僧作佛事於大明殿史惟良復乞辭職歸養允其
請仍賜鈔二百錠丁未中書叅知政事張友諒爲左
丞知樞密院事脫別台爲陝西行臺御史大夫鐵里
千木隣等三十二驛自夏秋不雨牧畜多死民大饑
命嶺北行省人賑糧二石至治初以白雲宗田結壽

安山寺爲永業至是其僧沈明琦以爲言有旨令中書省改正之敕有司繕治南郊齋宮遼陽行省水達達路自去夏霖雨異龍宋瓦二江水溢民無魚爲食至是未魯孫一十五狗驛狗多餓死賑糧兩月狗死者給鈔補市之辰州萬戶圖格里不花母石抹氏以志節漳州龍溪縣陳必達以孝行並旌其門冬十月戊申朔降璽書申飭衍聖公崇奉孔子廟事賜雲南行省叅政忽都沙三珠虎符辛亥命湖廣行省給諸王云都思鐵木兒幣百匹以賞將士捕徭賊有功者壬子諸王大臣復請立燕王爲皇太子帝曰卿等所

言誠是但燕王尚幼恐其識慮未弘不克負荷徐議之未晚也立宣忠扈衛親軍都萬戶營於大都北市民田百三十餘頃賜之戊午致齋於大明殿己未遣亞獻官中書右丞相燕鐵木兒終獻官帖木爾補化率諸執事告廟請以太祖皇帝配享南郊庚申出次郊宮辛酉帝服大裘袞冕祀昊天上帝于南郊以太祖皇帝配禮成是日大駕還宮甲子以奉元驛馬瘠死命陝西行省給鈔三千錠補市之木納火失溫所居諸牧人三千戶瀕黃河所居鷹坊五千戶各賑糧兩月乙丑廣西徭賊寇橫州及永淳縣勅廣西元帥

府率兵捕之樞密院臣言每歲大駕幸上都發各衛軍士千五百人扈從又發諸衛漢軍萬五千人駐山後蒙古軍三千人駐官山以守關梁乞如舊數調遣以俟來年從之辛未烏蒙路土官阿朝歸順遣其通事阿累等貢方物壬申御史臺臣言內外官吏令家人受財以其千名犯義罪止四十七解任今貪污者緣此犯法愈多請依十二章計贓多寡論罪從之甲戌勅累朝宮分官署凡文移無得稱皇后止稱某位下娘子其委用官屬並由中書擬聞乙亥改打捕鷹坊總管府爲仁虞都總管府知樞密院事撒敦宣徽

使唐其勢並賜太子刺罕之號中書省臣言近討雲南已給鈔二十萬錠爲軍需今費已盡鎮西武靖王湖思班及行省行院復求鈔如前數臣等議方當進討之際宜依所請給之制曰可聖清歲春秋祠以少牢遣使趣討於是四川行省平章塔出引兵由青山羌部進連陳兵周泥驛及祿余等戰獲蠻兵三百餘人祿余來滇即奪其關隘以導順元諸軍時雲南行省平章乞住寺俱失期不至十一月庚辰命中書祿繼種十萬石濟京師貧民辛巳御史臺

臣言陝西行省左丞怯列坐受人僮奴
請論如律詔曰位至宰執食國厚祿猶受人
口理宜罪之但賜錢物以是論賊失於大苛
其從重者議罪今後凡饋會為者勿以賊
論著為令癸未賑上郡廣河駐冬各官分
怯憐口萬五千七百戶糧二萬石甲申
癸亥退犯鬼宿命帝師率西僧作佛事
內外凡八所以是日始歲終罷丙戌太白
犯壘壁障中書省臣言至元間安豐安
慶廬州等路有未附籍戶千四百三十六
世祖命以其歲賦賜床兀兒後既附籍
所輸歲賦皆入官別令萬億庫賦給以
銀二百錠

乞傳所給鈔復以兵戶還賜床兀兒之子
燕鐵木兒從之羅羅斯撒加伯烏撒阿香
等合諸蠻萬五千人攻建昌躍里鐵木兒
等引兵進戰于木托山下敗之斬首五百
餘級賑襄鄧畏兀兒民被西兵害者六十三
戶戶給鈔十五錠米二石被西兵掠者五百
七十七戶戶給鈔五錠米二石廣西廉訪司
言今討叛徭各行省官將兵二萬人皆屯
駐靜江遷延不進曠日持久恐失事機詔
遣使趣之知樞密院事燕不憐請依舊制
全給鷹坊芻粟使毋貧乏帝曰國用皆百
姓所供當量入為出朕豈以鷹坊失所重
困吾民哉不從

辛卯以開闢台知樞密院事給山東鹽課鈔三千錠
賑曹州濟陰等縣饑民癸巳以臨江吉安兩路天源
延聖寺田十頃所入租稅隸大禧宗禋院戊戌立打
探廣坊紅花總管府於遼陽行省秩四品辛丑發河
南行省民間自貢四土糧稅不遺舟楫之處得以鈔
代輸命陝西行省賑河州蒙古屯田衛士糧兩月甲
辰命司天監祭星丙午息州諸王按灰坐擊傷起發
張恭恩六十七謫還廣寧王所部充軍後十二月戊
申遣伯顏等以將立燕王阿剌忒納答剌爲皇太子
祭于郊廟己酉以董仲舒從祀孔子廟位列七十七

子之下國子生積分及等者省臺集賢院奎章閣官
同考試中式者以等第試官不中者復入學肄業以
粟十萬石米豆各十五萬石給河北諸路牧官馬之
家宣忠扈衛幹羅思屯田給牛種農具辛亥立燕王
阿剌忒納答剌爲皇太子詔天下甲寅西域軍士居
永平灤州豐潤玉田者人給鈔三錠布二疋糧兩月
監察御史言昔裕宗由燕邸而正儲位世祖澤耆舊
老臣如王顥姚燧蕭軒等爲之師保賓客今皇太子
仁孝聰睿出自天成誠宜慎選德望老成學行純正
者俾之輔道於左右以宏養正之功實宗社生民之

福也帝嘉納其言詔龍翔集慶寺工役佛事江南行
嘉悉給之戊午以十月郊祀禮成帝御大明殿受文
武百官朝賀大赦天下癸亥知樞密院事闊闊台兼
大都留守乙丑遣集賢侍讀學士珠邁詣真定以明
年正月二十日祀睿宗及后于玉華宮之神御殿丁
卯命西僧於興聖光天宮十六所作佛事癸酉詔宣
忠扈衛親軍都萬戶府凡曆營司境內所屬山林川
澤其鳥獸魚鼈悉供內膳諸獵捕者坐罪甲戌御史
中丞和尚坐受婦人爲賂遇赦原罪監察御史言和
尚所爲貪縱有污臺綱罪雖見原理宜追奪所受制
命禁錮元籍終其身臺臣以聞制可敕各行省凡遇
邊防有警許令便宜發兵事緩則驛聞賑龍慶州懷
來縣前歲被兵萬一千八百六十戶糧兩月興寧路
梁世明妻程氏中興路伯顏妻阿迭的以志節大都
宛平縣鄭珪以行義並旌其門賑遼陽行省所居鷹
坊戶糧一月

元史本紀卷第三十四

順治十六年刊

順治己亥年四

月十八日校閱

朱謨

本紀卷第三十五

元史三十五

翰林學士雷大和制誥纂 閔梟濂 翰林制承直郎知制誥兼國史院編修管臣王禕等奉 勅修

文宗四

二年春正月己卯御製奎章閣記行樞密臣言十一月仁德府權達魯花赤曲木糾集兵眾以討雲南首敗伯忽賊兵於馬龍州以是月十一日殺伯忽弟拜延獻馘於豫王十三日戰于馬金山獲伯忽及其弟伯顏察兒其黨拜不卜卜顏帖木兒等十餘人誅之餘兵皆潰獨祿余猶據金沙江有旨趣進兵討之庚

辰住持大承天護聖寺僧寶峯加司徒辛巳大名魏縣民曹革輸粟賑陝西饑旌其門癸未立侍正府以總近侍秩從二品乙酉時享太廟丙戌伯顏月魯帖木兒瑁璐不花阿卜海牙等十四人並以本官兼侍正旌大都大興縣郭仲安妻李氏貞節丁亥以壽安山英宗所建寺未成詔中書省給鈔十萬錠供其費仍命燕鐵木兒撒迪等總督其工役命後衛指揮使史埴往四川行省調軍官選戊子命奴都赤阿里火者按行北邊牧地以晉邸部民劉元良等二萬四千餘戶隸壽安山大昭孝寺爲永業戶中書省臣言四

川省臣塔出脫帖木兒等討雲南以十一月九日領兵至烏撒周泥驛明日祿余阿奴阿荅等賊兵萬餘自山後間道潛出塔出脫帖木兒等進擊屢戰敗之十五日又戰七星關六日凡十七戰賊大敗潰去詔遣使以銀幣賞塔出脫帖木兒等造歲額鈔本至元鈔八十九萬五千錠中統鈔五千錠給鈔五千錠賑寧海州饑民罷益都等處廣農提舉司改立田賦總管府秩從三品仍令隆祥總管府統之命興和路建燕鐵木兒鷹棚樞密院臣言四川行省地隣烏撒而雲南未平今戍卒單少宜增兵防遏請調夔路怯憐

口戶丁七百重慶河東五路兩營兵三百同往戍之
俟征進軍還日悉罷遣從之庚寅改東路蒙古軍萬
戶府爲東路蒙古侍衛親軍指揮使司諸王哈兒蠻
遣使來貢蒲萄酒國制累朝行帳設衛士給事如在
位時近嘗汰其冗濫武宗仁宗兩朝各定爲八百人
英宗七百人中書省臣言舊給事人有失職者詔復
其百人辛卯皇太子阿剌忒納荅刺薨壬辰命宮相
法里及給事者五十八人護靈輦北祔葬于山陵仍
令法里等守之御史臺臣劾奏福建宣慰副使哈只
前爲廣東廉訪副使貪污狼籍宜罷黜從之己亥遣

吏部尚書撒里瓦佩虎符禮部郎中趙期頤佩金符
齋卽位詔告安南國且賜以授時曆賜武寧王徹徹
禿金百兩銀五百兩以淮安路之海寧州爲其食邑
癸卯以皇子古納荅刺疹疾愈賜燕鐵木兒及公主
察吉兒各金百兩銀五百兩鈔二千錠撒敦等金銀
鈔各有差又賜醫巫乳媪宦官衛士六百人金三百
五十兩銀三千四百兩鈔五千三百四十錠甲辰敕
每歲四祭五福太一星建孔子廟于後衛至元末討
諸王乃顏之叛獲其部蒙古軍分置河南江浙湖廣
江西諸省命樞密院遣使括其數得二千六百人乙

已封蒙古巫者所奉神爲靈感昭應護國忠順王號其廟曰靈祐給衛士萬人歲例鈔人八十錠內以他物及粟折五之一鎮西武靖王搠思班豫王阿剌忒納失里及行省行院官同討雲南兵十餘萬以去年十一月十一日搠思班師次羅羅斯期躍里鐵木兒俱至三泊郎仍趣小云失會於曲靖馬龍等州同進兵躍里鐵木兒倍道兼進奪金沙江十二月十七日大兵與阿禾蒙古軍相值戰敗之阿禾僞降明日率其兵三千爲三隊來襲我營搠思班躍里鐵木兒等分十三隊又擊敗之阿禾竄走大兵直趨中慶二十

六日遇賊黨蒙古軍於安寧州與再戰又大敗之二十八日阿禾來逆戰遂就禽斬于軍前三十日將抵中慶賊兵七千猶拒戰于伽橋古壁口兵交躍里鐵木兒左頰中流矢洞耳後拔矢復與戰大捷遂復行省治諸軍皆會駐于城中分兵追捕殘賊於高明州樞密院臣以捷聞詔總兵官量度緩急從宜區處新添安撫司甕河寨主訴他部徭徠蹂其禾民饑命湖廣行省發鈔二千錠市米賑之二月丙戎以上都留守乃馬台行嶺北行樞密院事太禧宗禋使謹只兒答鄰答里馬烈捏四人並知院事遙授平章政事戊

申立廣教總管府以掌僧尼之政。九十六所。曰京畿山後道。曰河東山右道。曰遼東山北道。曰河南荆北道。曰兩淮江北道。曰湖北湖南道。曰浙西江東道。曰浙東福建道。曰江西廣東道。曰廣西兩海道。曰燕南諸路。曰山東諸路。曰陝西諸路。曰甘肅諸路。曰四川諸路。曰雲南諸路。秩正三品。府設達魯花赤總管同知府事判官各一員。宣政院選留內官擬注以聞。總管則僧為之。四川行省招諭懷德府驢谷什用等四洞及生蠻十二洞皆內附。詔陞懷德府為宣撫司。以鎮之。諸洞各設長官司。及巡檢司。且命各還所掠生

口湖廣家以徽里帖木兒與達達班丹侯坐山起首。鞫問得實刑部議當徽里帖木兒班丹杖一百七。達達班丹會赦。徽里帖木兒流廣東班丹廣西達達徒海南皆置荒僻州郡。有旨此輩怨違朕向非赦原俱當實之極刑。可俱籍其家。達達禁錮終身。已酉白虹貫日。旌鞏昌金州民社祖隆妻張氏志節。樞密院臣言徽里鐵木兒字羅以正月戊寅賜為撒蠻兵射守探余降其民為蒙東川易長州蠻兵夷獠等俱款附鎮西武靖王搠思班等駐守慶復行省事。豫王阿剌忒納失里等至當當驛安輯其人民。又言激江路

蠻官郡容報賊古剌忽反亮聖之弟必刺都迷失等
為降我豫王而反圖之至易龍驛古剌忽等兵掩襲
官軍四川行省平章塔出頭兵不進平章乞住事于
亮為賊所掠謀知亮聖方修城堡布兵拒守無出
降意詔速進兵討之賊探馬赤軍一歲以五月十日
還處也後諸州率亥建燕鐵木兒召第于與聖宮之
西南諸撒迪及留守司董其役至一十太白晝見中書
平章政事亦列赤燕瀋陽等路安撫使燕王宮相伯
撒里為中書平章政事陝西行臺中丞朵兒只班為
中書參知政事戶部尚書高履亨兩淮都轉運鹽使

計有壬丑參議中書省事甲寅燕鐵木兒言賽因怯
列木丁美宗時嘗獻寶貨于昭獻元聖太后議給價
鈔十二萬錠故相拜住奏酬七萬錠未給泰定間以
鹽引萬六百六十道折鈔給之今有司以詔書奪之
還官臣等議以為寶貨太后既已用之以鹽引還之
後人繫獄久未款伏宜若無罪乞行之制曰可乙卯
之白犯梟犯太祖太宗睿宗御容手高統兵官來報
捷諸蠻悉降唯祿余追捕未獲命坐休各衛差軍士
之二以三月一日放遣丁巳騎馬不顏帖木兒自此

遼從武寧三徹徹禿來朝已未命西僧為皇太子告納
答刺特侍事一周歲壬戌改封武寧王徹徹禿為都
三賜以金印甲子守書省臣言國家錢穀歲入有額
而所費浩繁是歲不足天曆二年嘗以鹽賦十分之
一悉錄納之凡得銀二千餘錠令請以銀易官祭飲
奉給宿衛士卒又言陛下不用經費不勞人民創建
大承天護聖壽宮等額上嚮所易鈔本十萬錠銀六
百錠助建壽之需從之丙寅以本祖四大行帳世習
地方不遷者其馬馳等畜多死積發鈔萬錠命內之
府市以給之行樞密院都事阿里火者來報雲上旨

捷庚午給宿衛士二歲例鈔詔毋出定額萬人之外占
城國遣其臣高暗都刺來朝貢創建五福太一宮于
京城乾隅修上都洪禧崇壽等殿諸王徹徹禿沙哥
坐妄言不道詔安置徹徹禿廣州沙哥雷州壬申命
遼陽行省發粟賑國王朶兒只及納忽答兒等六部
蒙古軍民萬五千戶旌大都民劉德仁妻王氏貞節
甲戌給宣讓王王傳印荆王也速也不干貢犛牛命
田賦總管府稅鑛銀輸大承天護聖寺命興和路為
瑁璐不花作鷹棚雲南景東甸蠻官阿只弄遣子罕
旺來朝獻馴象乞陞甸為景東軍民府阿只弄知府

事罕旺爲千戶常賦外歲增輸金五千兩銀七百兩許之以山東鹽課鈔萬錠賑膠州饑命龍翊衛以屯田歲入粟贍衛卒孤貧者是月深與二州有蟲食桑爲災三月丙子朔熒惑犯鬼宿辛巳御史臺臣劾奏燕南廉訪使卜咱兒前爲閩海廉訪使受贓計鈔二萬二千餘錠金五百餘兩銀三千餘兩男女生口二十二人及它寶貨無筭雖遇赦原乞追奪制命籍沒流竄詔如所言仍暴其罪示天下壬午賜南郊侍祠文武官金幣有差特命沙津愛護持必刺忒納失里爲三藏國師賜玉印以陝西鹽課鈔萬錠賑察罕腦

兒蒙古饑民癸未割外府幣帛各千匹輸之中宮以供需用甲申繪皇太子眞容奉安慶壽寺之東鹿頂殿祀之如緊朝神御殿儀鞠宦者拜住侍皇太子疹疾飲食不時進以酥拭其眼鼻又爲禳咒杖一百七斤出京城冠州有蟲食桑四十餘萬株御史臺臣言奎章閣叅書雅琥阿媚奸臣所爲不法宜罷其職從之丙戌雨土霾伯撒里辭所兼儲政使不久伯顏娶諸王女賜金二百兩銀千兩賜上都死事者不顏帖木兒等十一家鈔各百錠分賜燕鐵木兒鷹坊百人中書省臣言宣課提舉司歲權商稅爲鈔十萬餘錠

比歲數不登乞凡僧道爲商者仍征其稅有旨誠爲
僧者其仍免之。司徒香山言陶弘景胡笳曲有負辰
飛天曆終是甲辰君之語。今陛下生年紀號實與之
合。此實受命之符。乞錄付史館頒告中外。詔令翰林
集賢奎章禮部雜議之。翰林諸臣議以謂唐開元間
太子賓客薛讓進武后鼎銘云。上玄降鑑方建隆基
爲玄宗受命之符。姚崇表賀請宣示史官頒告中外
而宋儒司馬光斥其和偶就之文以爲符瑞乃小臣
之諂而宰相實之是侮其君也。今弘景之曲雖於生
年紀號若偶合者陛下應天順人紹隆正統于今

四年。簿海內外罔不歸心。周無待於旁引曲說以爲
符命。從其所言。恐啓讖緯之端。非所以定民志。事遂
寢。趙士不魯納食邑沙淨德寧等處蒙古部民萬六
千餘戶。饑命河東宣慰發近倉糧萬石賑之。又發山
東鹽課鈔朱王倉粟賑發萊饑民與和倉粟賑保昌
饑民。戊子以西僧旭你迭八荅刺班的爲三藏國師
賜金印。以龍慶州之流杯園池水磴土田賜燕鐵大
兒命諸王阿魯出鎮陝西行省以籍入速退班丹徹
理帖木兒貲產賜大承天護聖寺爲永業。浙西諸路
比歲水旱饑民八十五萬餘戶。中書省臣請令官私

儒學寺觀諸田佃民從其主假貸錢穀自賑。餘則勸分富家及入粟補官仍益以本省鈔十萬定。并給僧道度牒一萬道從之。旌同知大都府事忙兀禿魯迷失妻海迷失貞節。己丑賑雲內州饑民及察忽涼樓戍兵共七千戶。庚寅命威順王寬徹不花還鎮湖廣。癸巳詔累朝神御殿之在諸寺者各製名以冠之。世祖曰元壽昭睿順聖皇后曰睿壽南必皇后曰懿壽裕宗曰明壽成宗曰廣壽順宗曰衍壽武宗曰仁壽文獻昭聖皇后曰昭壽仁宗曰文壽英宗曰宣壽明宗曰景壽召亳州太清宮道士馬道逸。汴梁朝天宮

張驢以括田逼死九人。敕吏部尚書王居仁等鞠之。己酉太陰犯房甲寅日色如赭辛酉太白犯左執法壬戌蔡五九衆潰伏誅餘黨悉平。敕賞軍士討捕功并官其死事者子孫。己巳徙曲尤倉於赤斤之地。賜諸王別鐵木兒永昌路及西涼州田租。冬十月丙子朔客星見太微垣。丁丑封脫火赤爲威寧郡王。賜金印忽兒赤鐵木兒不花爲趙國公。庚辰以淮西廉訪使郭貫爲中書參知政事。壬午有事于太廟。給雲南廉訪司公田。乙未陞同知樞密院事鐵木兒脫知樞密院事。授白雲宗主沈明仁。榮祿大夫司空。丁酉加

授鐵木迭兒太師癸卯八百媳婦蠻遣使獻馴象二
賜以幣帛十一月丙午客星變爲彗犯紫微垣歷軫
至壁十五宿明年二月庚寅乃滅辛未以星變赦天
下減免各路差稅有差甲戌封和世琿爲周王賜金
印左丞相合散等言彗星之異由臣等不才所致願
避賢路帝曰此朕之愆豈卿等所致其復乃職苟政
有過差勿憚於改凡可以安百姓者當悉言之庶上
下交脩天變可弭也十二月戊寅賜雲南行省參政
汪長安虎符預軍政庚寅增置平江路行用庫癸巳
給鈔買羊馬賑北邊諸軍命省臣定擬封贈通例俾

立宮相都總管府秩正三品給銀印以儒學教授在
選數多凡仕由內郡江淮者注江西江浙湖廣由陝
西兩廣者注福建由甘肅四川雲南福建者注兩廣
敕河南行省右丞那海提督境內屯田中書省臣言
嘉興平松江江陰蘆場蕩山沙塗沙田等地之籍
于官者嘗賜他人今請改賜燕鐵木兒有旨燕鐵木
兒非他臣比其令所在有司如數給付發通州官糧
賑檀順昌平等處饑民九萬餘戶以山東鹽課鈔三
千五百錠賑益都三萬餘戶是月陝西行省遣官分
給復業饑民七萬餘戶行糧賑諸王伯顏也不干部

內蒙古饑民千餘口真定汴梁二路恩寇晉興深蠡景獻等八州俱有蟲食桑爲災旌故戶部主事趙野妻柳氏貞節夏四月丙午朔全寧民王脫歡獻銀鑲詔設銀場提舉司隸中政院中書樞密臣言天曆兵興諸領軍與敵戰者宜定功賞臣等議諸王各金百兩銀五百兩金腰帶一織金等幣各十八匹諸臣四戰以上者同三戰及一戰者各有差有旨賞格具如卿等議燕鐵木兒首倡大義躬擐甲冑伯顏在河南先誅携貳使朕道路無虞兩人功無與比其賞不可與衆同其賜燕鐵木兒七寶腰帶一金四百兩銀九

百兩伯顏金腰帶一金二百兩銀七百兩受賞者凡九十六人用金二千四百兩銀萬五千六百兩金腰帶九十一副幣帛千三百餘疋命西僧於五臺及霧靈山作佛事各一月爲皇太子古訥荅刺祈福以糧五萬石賑糶京師貧民戊申皇姑魯國大長公主薨以宮中高麗女子不顏帖你賜燕鐵木兒高麗國王請割國中田爲資送詔遣使往受之發衛卒三千助大承天護聖寺工役庚戌詔建燕鐵木兒生祠於紅橋南樹碑以紀其勲御史臺臣言平章政事曹立累任江浙今雖閑廢猶與富民交納宜遣還其本籍大同

路又監察御史萬家閭嘗薦中丞和尚脫脫嘗舉廉訪使卜咱兒今和尚卜咱兒俱以賊罪除名萬家閭脫脫難任臺省之職並從之真定武陟縣地震逾月不止壬子命燕鐵木兒總制官相都總管府事也不倫伯撒里俱以本官兼官相都總管府都達魯花赤諸王哈兒蠻遣使來朝貢甲寅改宣忠扈衛親軍都萬戶府爲軍忠幹羅思扈衛親軍諸指揮使司賜銀印中書省臣言越王禿剌在武宗時以紹興路爲食邑歲割賜本路租賦鈔四萬錠今其子阿刺忒納失里襲王號宜歲給其半從之乙卯時享太廟鎮西武靖王搠思班等已平雲南各遣使來報捷諸王朶列捏鎮雲南品甸自以貲刀給軍協力討賊詔以襲衣賜之丙辰葺太祖所御衣行帳戊午以集慶路玄妙觀爲大元興崇壽宮命興和建屋居海青上都建屋居鷹鵠庚申特命河南儒士吳炳爲藝文監典簿仍予對品階寧國路涇縣民張道殺人爲盜道弟吉從而不加功居囚七年不決吉母老無他子孫中書省臣以聞敕免死杖而出之得養其母辛酉以山東鹽課鈔五千錠賑博興州饑民九千戶一千錠賑信陽等場鹽丁御史臺臣言儲政使哈撒兒不花侍陛下

順治十六年刊

潛邸時受馬七十九匹又盜用官庫物天曆初領兵
瀘溝橋迎敵卽逃擅閉城門驚惑民庶度支卿納哈
出嘗匿官馬又矯增制命又受諸王幹卽七寶帶一
鈔百六十錠臣等議其罪宜杖一百七除名斥還鄉
里從之壬戌樞密院臣言雲南事已平鎮西武靖王
搠思班言蒙古軍及哈刺章羅羅斯諸種人叛者或
誅或降雖已略定其餘黨逃竄山谷不能必其不反
側今請留荆王也速也不干及諸王鎖南等各領所
部屯駐三歲以示威重從之仍命豫王阿刺忒納失
里分兵給探馬赤三百乞赤伯三百共守一歲以鎮

輯之餘軍皆遣還所部統兵官召赴關時已命探馬
赤為雲南行省平章政事遂命總制境內軍事潞州
潞城縣大水癸亥諸王完者也不干所部蒙古民二
百八十餘戶告饑命河東宣慰司發官粟賑之甲子
陝西行省言終南屯田去年大水損禾稼四十餘頃
詔蠲其租鎮寧王那海部曲二百以風雪損孳畜命
鎮北行省賑糧兩月欽案台以名園為獻命御史臺
給贖罰鈔千錠酬其直請王乞八言臣每歲扈從時
巡為費甚廣臣兄豫王阿刺忒納失里亦失班歲
給鈔五百錠幣帛各五千匹或視其例以請制可詔

故尚書省丞相脫脫可視三寶奴例以所籍家貲還其家御史臺臣言同僉中政院事殺仲容姦貪邪佞冒京居官詔黜之揚州泰興縣饑民萬三千餘戶河南行省先賑以糧一月後以聞許之命遼陽行省發粟賑李羅部內蒙古饑民戊辰奎章閣以纂修經世大典請從翰林國史院取脫脫赤顏一書以紀太祖以來事蹟詔以命翰林學士承旨押不花塔失海牙押不花言脫脫赤顏事開秘禁非可令外人傳寫臣等不敢奉詔從之增置樞密司儀仗命武備寺諸匠官避元籍遣使看趙世延於集慶詔以泥金畏兀之

書曰無量壽佛經千部壬申散遣宣忠扈衛新籍軍士六百人還鄉里期以七月一日還營衡州路屬縣比歲旱蝗仍大水民食草木殆盡又疫癘死者十九湖南道宣慰司請賑糧米萬石從之河中府蝗晉寧巽寧大同河間諸路屬縣皆以旱不能種告饑甘州阿兒思蘭免古妻忽都的斤以貞節旌其門五月丙子皇太子影殿造祭器如裕宗故事敕建宮相都總管府公廨丁丑災感犯軒轅左角賜宮相都總管府給驛壘書調衛兵浚金水河己卯安南世子陳日焯遣其臣段子貞來朝貢安慶之望江縣淮安之山陽縣

去歲皆水災免其田租丙戌太禧宗禋院臣言累朝所建大萬安等十二寺舊額僧三千一百五十人歲例給糧今其徒猥多請汰去九百四十三人制可常德之桃源州去歲水災免其租丁亥復立怯憐口提舉司仍隸中政院命樞密院調軍士修京城己丑置八百等處宣慰司都元帥府以上官昭練爲宣慰使都元帥又置臨江元江等處宣慰司兼管軍萬戶孟定路孟月路並爲軍民總管府秩從三品者線蒙慶甸銀沙羅等甸並爲軍民府秩從四品孟併子孟廣者樣等甸並設軍民長官司秩從五品蓋都路宋德讓

趙仁各輸米三百石賑膠州饑民九千戶中書省臣請依輸粟補官例子官從之賑駐冬衛士二萬一千五百戶糧四月庚寅立雲南省盧傳路軍民總管府以上官爲之制授者各給金符癸巳雲南威楚路之蒲蠻猛吾來朝貢願入銀爲歲賦詔爲置散府一及土官二十三所皆賜金銀符甲午太白犯畢宿封宣政使脫刃爲薊國公以平江官田五百頃立稻田提舉司隸官相都總管府乙未以陝西行臺御史大夫脫別台知樞密院事御史大夫玥璐不花累辭職江西行省平章朶兒只以疾辭新任並許之脫忽思娘

子繼主明宗幄殿詔賜湘潭州民戶四萬爲湯沐奎章閣學士院纂修皇朝經世大典成詔以泥金書佛經一藏丙申大_元幸上都四川行省平章汪壽昌辭職不允敕在京百司日集公署自晨及暮毋廢事賑灤陽桓州李陵臺昔寶赤失兒禿五驛鈔各二百定桓州民以所種麥獻詔賜幣帛二疋慰遣之戊戌次紅橋驛祀燕鐵木兒生祠以太禧宗禋院所隸昭孝營繕詔改崇禧總管府賑遼陽東路蒙古萬戶府饑民三千六百戶糧兩月己亥也兒告尼知行樞密院事八百等處蠻言阿馬路奉方物入貢高郵寶應等縣

去歲水免其租庚子太陰犯太白辛丑太白經天改阿速萬戶府爲宣毅萬戶府賜銀印命伯顏領之旌濟南章丘縣馬萬妻管氏志節癸卯加也兒吉尼太尉賜銀印以河間鹽課鈔四千錠賑河間屬縣饑民四千一百戶甲辰詔通政院整治內外水陸驛傳宣政院臣言舊制列聖神御殿及諸寺所作佛事每歲計二百十六今汰其十六爲定式制可東昌保定二路獲唐二州有蟲食_又祭享夏紹慶保定德安河間諸路屬縣大水六月乙巳朔徵諸政院鈔三萬錠給中宮道路之用敕河南行省立阿不海牙政蹟碑監察御

史韓元善言歷代國一學皆盛獨本朝國學生僅四百
員又復分辦蒙古色目漢人之額請凡蒙古色目漢
人不限負額皆得入學又監察御史陳守中言請凡
仕者親老別無侍丁奉養不限地方名次宜從優附
近遷調庶廣忠孝之道皆不報發米五千石賑興和
屬縣饑民丁未太白晝見乙卯監察御史陳良劾浙
東廉訪使脫脫赤顏阿附權姦剽沙其生母何氏
本父之妾而元妻之欺誑朝廷封溫國夫人請黜罷
憲職追還贈恩身且御史臺臣以聞從之旌大都右
警巡院胡德妻言比貞節壬戌以鈔萬五千錠賑回

去亦兒只等九部蒙古饑民三萬二百六十二戶
亥詔諸官吏在職役或守代未任為人行賕關說即
有所取者官如十二章論賍吏罷叙終其身雖無
所取訟起滅田已者罪加常人一筇甲子太府監頒
宮嬪閹宦及宿衛士行帳資裝免以鷓衛士當驛戶
丙寅雲南出征軍悉還烏撒羅羅軍復殺戍軍黃海
等撤加伯又殺掠良民為亂命署南行省及行樞
院凡境上諸關戍兵未可輕撤且視緩急以制其
丁卯太陰犯畢太白犯井庚午以揚州泰興江都
等處去歲兩害稼免今年租樞密院臣言在百萬戶

府軍七百人自秦定以來累經優卹放選者四百五十人今邊防軍少劍當遣使還營從之是月言軍亦集乃二路旱齊寧路蟲食桑河南晉寧二路等處亦聖大都保定真定河間東昌諸路屬州縣及諸邑水彭德路臨漳縣漳水決秋七月甲戌朔賜高州等處駐冬衛士衣藝又少監歐陽玄言先聖三五十四代孫襲封衍聖公爵最五等秩登三品而用四品銅印於爵秩不稱詔鑄從三品印給之德安府去年水免今年田租旌德安應山縣高可燾孝行已錄以雲南既平惟祿余等懼罪竄伏降詔赦之

答兒坐罪當流遠以唐其勢舅氏故釋之壬午祀太祖太宗睿宗御容於翰林國史院監察御史張益等言欽察台在英宗朝陰與中政使咬住造謀誣告脫觀察兒將構異圖辭連潛邸致出居海南及天曆初倒刺沙據上都遣欽察台以兵拒命倒刺沙疑其有異志復禽以歸卽追言咎日咬住之謀以自解皇上卽位不念舊惡擢居中書而又自貽厥咎以致奪官籍產旋復釋宥以爲四川平章今雲南未平與蜀接壤其人反覆不可信任宜削官遠竄仍沒入其家產臺臣以聞詔奪其制命金符同妻孥禁錮于廣東母

藉其家仍詔諭御史允儉人如欽察台者其極言之
毋隱鐵木兒補化辭御史大夫職不允乙酉遣使代
祀護國庇民廣濟福惠明著天妃命西僧於大都萬
歲山憫忠閣作佛事起八月八日至車駕還大都日
止丁亥海南黎賊作亂詔江西湖廣兩省合兵捕之
諸王搠思吉亦兒甘卜哈兒蠻駙馬完者帖木兒遣
使來獻蒲萄酒壬辰以知樞密院事脫別台爲御史
大夫癸巳辰州興國二路蟲傷稼免今年租甲午歸
德府雨傷稼免今年租給諸衛士及蒙古戶糧四月
乙未立閔子書院於濟南杭州火賑被災民百九十

戶丁酉調甘州兵千人撒里畏元兵五百人守參卜
郎以防土番戊戌封伯顏爲浚寧王賜金印仍前太
保知樞密院事高郵府去歲水災免今年租湖州安
吉縣大水暴漲漂死百九十人人給鈔二千貫瘞之
存者賑糧兩月庚子廣西徭賊平召諸王云都思帖
木兒還辛丑懷德府洞蠻二十一洞田先付用等以
方物來貢還所虜生口八百餘人給其家癸卯知行
樞密院事徹里帖木兒以兵討叛蠻鎖力哈迷失戮
其黨七百餘人是月河南奉元屬縣蝗大都河間漢
陽屬縣水冀寧屬縣雨雹傷稼廬州去年水寧夏霜

爲災並免今年田租賑靈夏鳴沙蘭山二驛戶二百九十定州新軍戶千二百應理州民戶千三百糧各一月又賑龍興路饑民九百戶糧一月大寧和衆縣何千妻栢都賽兒夫亡以身殉葬旌其門八月甲辰朔日有食之封脫憐忽秃魯爲靖恭王沙藍朶兒只爲懿德王並給以塗金銀印西域諸王卜賽因遣使忽都不丁來朝灤陽驛戶增置馬牛各一免其和市雜役賜上都孔子廟碑御史臺臣劾奏宣徽副使桑哥比奉旨給宿衛士錢糧稽緩九日玩法欺公罪當黜罷從之己酉以銀符二十八賜拱衛直百戶命燕

鐵木兒以鈔萬定分賜蒙古孤寡者辛亥大駕南還大都士子西域諸王朶兒麻襲朶列帖木兒之位遣諸王孛兒只吉台等來朝貢甲寅雪別台之孫月魯帖木兒買閭也先來獻失刺奴賜以金百兩銀千五百兩鈔五百定金帶一命宣課提舉司母叔燕鐵木兒郎舍商貨稅幹兒朶思之地頻年灾畜牧多死民戶萬七千一百六十命內史府給鈔二萬定賑之乙卯太白犯軒轅大星丙辰封內史怯列該爲豐國公以星變令群臣議赦丁巳命邠王不顏帖木兒圍獵於撫州己未立鎮寧王總管府於撫州公主脫脫灰來朝以汴梁路尉氏縣賜伯顏

為食邑。詔刑部鞠內侍撒里不花。丞蠱事。凡當死者。杖一百七。流廣東。西中書省臣言。明年海運糧二百四十萬石。已令江浙運二百二十萬。河南二十萬。今請令江浙復增二十萬。本省參政杜貞。督領從之。復命賑糶米五萬石。濟京城貧民。旌濟寧路魏鐸孝行。揚州路呂天麟妻韋氏貞節。庚申太白犯軒轅左角。中書樞密臣言。西域諸王不賽。因其臣怯。列木丁矯王命來朝。不賽。因遣使來言。請執以歸。臣等議宗藩之國。行人往來。執以付之。不可。宜令乘驛歸國。以自辨制。可。壬申。陞侍正府秩正二品。是月。江浙諸路水

潦害稼。計田十八萬八千七百三十八頃。景州自六月至是月。不雨。澧州泗州等縣。去年永免。今年租沅州饑。賑糶米二千石。金州及西和州。頻年旱災。民饑。賑以陝西鹽課鈔五千定。九月癸酉朔。市阿魯渾撒里宅。命燕鐵木兒奉皇子古納。峇刺居之。中書省臣言。今歲當飼馬駝十四萬八千四百疋。京城飼六萬疋。餘令外郡分飼。每疋給芻粟價鈔四定。從之。乙亥。命留守司散軍士築躡臺于大承天護聖寺東御史臺。臣劾奏。四川行省參政馬鎔。散糧六千石。餉雲南軍中道。輒還預借俸鈔一十九定。以娶妾。又詬罵

平章汪壽昌罪雖蒙宥難任宰輔帝曰綱常之理尊卑之分僧無所知其何以居上而臨下亟罷之丙子太白犯填星樞密院臣言雲南東川路總管普折兄那具會祿余兵殺烏撒宣慰使月魯東川路府判教化二十餘人又會伯忽姪阿福領蒙古兵將擊羅羅斯臣等與燕鐵木兒議遣西域指揮使鎖住等發陝西都萬戶府兵直抵羅羅斯發碣門安撫司兵絕大渡河直抵邛部州巡守關隘詔宣政院亦遣使同往督之海南賊王周糾率十九洞黎蠻二萬餘人作亂命調廣東福建兵隸湖廣行省左丞移剌四奴統

領討捕之阿速及幹羅思新戍邊者命遼陽行省給其牛具糧食已卯發粟五千石賑興和路鷹坊庚辰樞密院臣言六月中行樞密院官以兵與烏撒賊兵五戰破之惟祿余竄伏未獲命四川行省給其軍餉賑興和寶昌州饑民米二千石御史臺臣言大聖壽萬安寺壇主司徒嚴吉祥盜公物畜妻孥宜免其司徒壇主之職從之禁諸驛毋畜竄行馬免控鶴戶雜役湖州安吉縣久雨太湖溢漂民居二千八百九十戶溺死男女百五十七人命江浙行省賑卹之丁亥御史臺臣言江西行省叅政李允中乃故內侍李邦

寧養子器質唐下誤叨重選宜黜罷從之庚寅幸大
承天護聖寺以鈔五萬定及預貸四川明年鹽課鈔
五萬定給行樞密院軍需祿余寇順元路癸巳罷供
需府覆實司置廣誼司秩正三品以右丞撒迪領其
務御史臺臣劾太禧宗禋使童童淫侈不潔不可以
奉明禋又奎章閣鑿書博士柯九思性非純良行極
矯譎挾其未技趨附權門請罷黜之乙未以金虎符
賜中書平章政事亦列赤思州鎮遠府饑賑米五百
石丁酉雲南行省遣都事那海鎮撫欒智等奉詔往
諭祿余及授以叅政制命至撒家關祿余拒不受俄

而賊大至那海因與力戰賊乃退及晚烏撒兵入順
元境左丞帖木兒不花御戰那海復就陣宣詔招之
遂遇害帖木兒不花等歿兵還壬寅改隆祥總管府
為隆祥使司秩從二品癸卯十月甲辰遣秘書太監王
珪等代祀嶽鎮海濱后土乙巳召行樞密院徹里鐵
木兒少云失還朝以前索川路總管普折子安樂罷
其父職己酉時享于太廟為皇子古納答刺作佛事
釋在罪囚死罪者二人杖罪者四十七人辛亥召江
南行臺御史大夫阿兒思蘭海牙赴闕癸丑辛大承
天護聖寺蒙古都元帥怯烈引兵擊阿禾賊黨於靖

江寧海中山爲雲梯登山破其柵殺賊五百餘人亮
堅之策未刺都古豕失舉家赴海死又獲亮堅第二
人子三人誅之甲寅杭州火命江浙行省賑其不能
自存者丁巳中書省臣言江浙平江湖州等路水傷
稼明年海漕米二百六十萬石恐不足若令運百九
十萬而命河南發二十萬江西發十萬爲宜又遣官
齎鈔十萬錠鹽引二萬五千道於通鄣陵滄四州優
價和糴米三十萬石又以鈔二萬五千定鹽引萬五
千道於通鄣二州和糴粟豆十五萬石以鈔三十萬
錠往遼陽慈綿二州和糴粟豆十萬石並從之亮在

景積年還倒昏鈔二百七十餘萬錠咸亨詔還平江
路大玉清昭應宮田百頃官勿徵其租已未給宿衛
士有官者芻豆諸王卜賽因使者還西域詔酬其所
貢藥物價直辛酉命西僧作佛事於興聖宮十有五
日乃罷吳江州大風雨太湖溢漂沒廬舍資畜千九
百七十家命江浙行省給鈔千五百錠賑之乙丑立
昭功萬戶都總使府伯顏鐵木兒補化並蓋舉功萬
戶都總使丙寅命大都路定時任每月朔望送廣益
兩以酬物價燕鐵木兒取牽牛五千於西域來獻于
一月壬申朔日有食之雲南行省言亦乞不魯之地

辨教國馬歲給鹽以每月正寅日曉之則馬食無虧
我因伯忽叛亂塞兩鹽不可到馬多病死詔令四
行省以鹽給之乙亥李彥通蕭不剌與等謀反未成
丙子封諸王幹即為保寧王賜以印以其先所吏印
賜諸王渾禿帖木兒之子庚兀台詔給移刺四奴分
行省印丁丑興和路鷹坊及蒙古民萬一千一百餘
歲大雪畜牧凍死賑米五千石戊寅樞密院臣言天
曆兵興以揚州重鎮嘗無淮東宣慰司以兵權今事
已寧宜以所部兵復隸河南行省又征西元帥府自
恭定初調兵四千一百人戍龍剌亦集乃期以五年

為代今已十年逃亡者衆宜加優卹期以來歲五月
代還並從之己卯封蘸班為幽國公庚辰左右欽察
衛軍士千四百九十戶饑命上都留守司賑之辛巳
以戶部尚書耿煥為中書叅知政事癸未詔養燕鐵
木兒之子塔刺海為子賜居第及所籍李彥通貲產
荆王也速也不干獻犛牛四百詔每歲樞密院宗正
府遣官與遼陽行省官巡歷諸郡毋令諸王所部擾民
隆祥司使晃忽兒不花言海南所建大興龍普民寺
工費浩穰黎人不勝其擾以故為亂詔湖廣行省臣
玘璐不花及宣慰宣撫二司領其役仍命廉訪司涖

之辛卯諸王撒兒蠻遣使者七十四人來賑左欽察
衛撒敦等翼頂也兒古駐冬軍千五百八十戶諸鹽
課鈔以十分之一折收銀銀每錠五十兩折鈔二十
五錠乙未救宮相都總管府勿隸昭功都總使府丁
酉以南陽府之嵩州更賜伯顏爲食邑十二月戊申
陝西行臺御史捏古伯高坦等劾奏本臺監察御史
陳良恃勢肆毒徇私破法請罷職籍職還歸田里有
旨雖會赦其准風憲例追奪勅命餘如所奏以黃金
符鐫文曰翊忠徇義迪節同勲賜西域親軍副都指
揮使欽察以旌其天曆初紅橋戰功壬子復命諸王

廉刺出還鎮雲南癸丑撒敦獻幹羅思十六戶
銀百七錠鈔五千錠以河間路清池南皮縣牧地賜
幹羅思駐冬仍以忽里斯牧官半給之河南河地道
廉訪副使僧家奴言自古來忠臣必於孝子之內今
嘗於朝者十年不省親者有之非無思親之心實由
朝廷無給假省親之制而有擅離官次之禁古律諸
職官父母在三百里於三年聽一給定省假二十日
無父母者五年聽一給拜墓假十日以比推之父母
在三百里以至萬里宜計道里遠近定立假期其應
省親而不省親者坐以罪若詐冒假期規避以掩

其罪與詐奔喪者同科御史臺臣以聞命書省
等刑部及翰林集賢奎章閣議之丁巳雨木冰戊午
西域王亮列帖木兒遣使獻西馬及蒲萄酒預給
四宿衛及諸藩邸衛士歲賜鈔人二十錠庚申遣集
賢直學士答失蠻詣真定王華官祀睿宗及顯懿恭
憲皇后神御殿辛酉遣兵部尚書也速不花同會通
政院事忽納不花迎帝師詔中書省御史臺遣官
各道同廉訪司錄囚癸亥雨木冰給征東元帥府
伏丁卯御史臺臣言甘肅行省平章月魯帖木兒
非蒙古族姓且闇於事機使總兵柄恐非所宜

院勿令提調軍馬己巳御史臺臣言河東道廉訪
副使忽哥兒不也食燕南道廉訪司事不顏忽都王
士元郝志善等不也食燕南道廉訪司事不顏忽都王
孝孝行是歲真定路屬州水災寧河南二路旱大饑

元史卷之三十三

本紀卷第三十五

平定王
平定王
平定王
平定王
平定王

平定王
平定王
平定王
平定王
平定王

平定王
平定王
平定王
平定王
平定王

平定王
平定王
平定王
平定王
平定王



